

20222744158

## СОБРАНИЕ НА РЕПУБЛИКА СЕВЕРНА МАКЕДОНИЈА

### L I G J I KËRKESAVE TEKNIKE PËR PRODUKTET DHE VLERËSIMI I KONFORMITETIT



#### KAPITULLI 1

#### KUSHTET E PËRGJITHSHME

##### Lënda

##### Neni 1

Me këtë ligj rregullohet mënyra e përcaktimit të rregullave teknike që kanë të bëjnë me kërkesat teknike që disa produkte të caktuara ose grupe produktesh duhet t'i plotësojnë gjatë plasimit të tyre në treg dhe/ ose kërkesat teknike kur i përdorin ato për dedikimin për të cilin janë paraparë, detyrimet e operatorëve ekonomikë të përfshirë në zinxhirin e plasimit të produkteve në treg, procedurat për vlerësimin e konformitetit të produkteve me kërkesat e përcaktuara teknike, kushtet që duhet t'i plotësojnë organet për vlerësimin e konformitetit, dokumentet dhe shenjat e konformitetit të produkteve, parimet dhe procedurat për njohjen e dokumenteve të huaja dhe shenjat e konformitetit, procedurat për autorizimin dhe notifikimin e organeve të vlerësimit të konformitetit, ndjekjen e punës së trupave për vlerësimin e konformitetit, mbajtja e evidencës dhe njoftim për rregullat teknike dhe organet për vlerësimin e konformitetit.

##### Zbatimi

##### Neni 2

(1) Ky ligj zbatohet për produktet ose grupin e produkteve të përfshira me rregulloret teknike, përveçse për produktet për të cilat kërkesat teknike janë rregulluar me ligje të veçanta, si dhe me rregulla të miratuara në bazë të atyre ligjeve.

(2) Nëse me ligjet e veçanta dhe rregullat sipas paragrafit (1) të këtij neni, nuk janë rregulluar çështjet që kanë të bëjnë me: detyrimet e operatorëve ekonomikë të përfshirë në zinxhirin e plasimit të produkteve në treg, kushtet që duhet t'i përmbushin organet për vlerësimin e konformitetit, procedurave për autorizim dhe notifikimin e trupave për vlerësimin e konformitetit, parimet dhe procedurat për njohjen e dokumenteve të huaja dhe shenjave të konformitetit, atëherë për këto çështje zbatohen dispozitat e këtij ligji.

##### Parimet e përgjithshme

##### Neni 3

(1) Produkti që plasohet në tregun e Republikës së Maqedonisë së Veriut duhet t'i plotësojë kërkesat për konformitet, kërkesat për dokumente dhe shenja për konformitet në përputhje me dispozitat e këtij ligji, si dhe kërkesat teknike, kërkesat esenciale shëndetësore dhe të sigurisë,

---

\* Me këtë ligj bëhet harmonizim me:

1. Vendimin 768/2008/BE të Parlamentit Evropian dhe të Këshillit të 9 korrikut të vitit 2008 për kornizë të përbashkët për plasmanin e produkteve dhe për shfuqizimin e Vendimit 93/465/BEE të Këshillit, CELEX numër 32008D0768 dhe

2. 2)Rregullativën (BE) nr. 910/2014 e Parlamentit Evropian dhe e Këshillit më 23 korrik të vitit 2014 për identifikimin elektronik dhe shërbime konfidenciale për transaksionet elektronike në tregun e brendshëm dhe për shfuqizimin e Direktivës 1999/93/BE (eIDAS), CELEX numër 32014R0910.

kërkesat për procedurat e konformitetit, kërkesat për dokumentacion teknik, dokumentet e konformitetit, shenjat dhe shenjzimin e produktit konform, në përputhje me dispozitat e rregullave të zbatueshme teknike që kanë të bëjnë me këtë produkt.

(2) Operatori ekonomik që bën plasimin e produktit në treg ose që mundëson disponueshmërinë e tij në treg është përgjegjës për përputhshmërinë e produktit me dispozitat e këtij ligji dhe dispozitat e rregullave teknike të miratuara në bazë të këtij ligji.

(3) Operatori ekonomik është përgjegjës për saktësinë, besueshmërinë dhe tërësinë e të dhënave për produktet e tyre dhe duhet të garantojë përputhshmërinë e këtyre të dhënave me kërkesat e përcaktuara për produktin konkret.

### **Rëndësia e termave dhe shprehjeve të caktuara**

#### Neni 4

Disa nga termat dhe shprehjet e përdorura në këtë ligj kanë kuptimin e mëposhtëm:

1. **"Disponueshmëri në treg"** është çdo aktivitet që bën produktin të disponueshëm në tregun e Republikës së Maqedonisë së Veriut ose në BE për shkak të shpërndarjes, konsumit ose përdorimit, pavarësisht nëse aktiviteti tregtar zhvillohet ose jo me ose pa pagesë të kompensimit;

2. **"Plasimi në treg"** është aktivitet me të cilin produkti për herë të parë bëhet i disponueshëm në tregun e Republikës së Maqedonisë së Veriut ose në Bashkimin Europian;

3. **"Produkt"** është çdo produkt ose grup produktesh që është rezultat i aktiviteteve prodhuese, ndërsa i përcaktuar më afër me rregull teknike;

4. **"Prodhues"** do të thotë çdo person fizik ose juridik që prodhon produkt ose ka produkt të projektuar ose prodhuar dhe lëshon produktin në treg me emrin ose markën e tij tregtare;

5. **"Përfaqësues i autorizuar"** është çdo person fizik ose juridik i themeluar në Republikën e Maqedonisë së Veriut që ka marrë autorizim me shkrim nga prodhuesi për të vepruar në emër të tij dhe për llogari të tij për aktivitetet e veçanta nga të cilat rezultojnë detyrimet e përfaqësimit të përcaktuara në autorizimin në përputhje me ligjin;

6. **"Importues"** do të thotë çdo person fizik ose juridik i themeluar në Republikën e Maqedonisë së Veriut i cili lëshon në treg produkt nga një vend tjetër;

7. **"Shpërndarës"** është çdo person fizik ose juridik që merr pjesë në zinxhirin e furnizimit dhe mundëson disponueshmëri të produktit në treg, e që nuk është prodhues as importues;

8. **"Operatorët ekonomikë"** janë prodhuesi, përfaqësuesi i autorizuar, importuesi, shpërndarësi, ofruesi i shërbimeve ose çdo person tjetër fizik ose juridik i cili ka detyrime në lidhje me prodhimin e produkteve, mundësimin e disponueshmërisë në treg ose lëshimin në përdorim në përputhje me rregulloret ekzistuese;

9. **"Specifikim teknik"** është dokumenti që përmban kërkesat teknike që duhet t'i plotësojë një produkt, proces, shërbim ose sistem i caktuar;

10. **"Standardi"** është dokument i përgatitur me konsensus dhe i miratuar nga një organ për standardizim, me të cilin, për shkak të përdorimit të përbashkët dhe të përsëritur, sigurohen rregulla, udhëzime dhe karakteristika për aktivitete ose rezultate të caktuara nga ato aktivitete, qëllimi i të cilave është të arrijë shkallën më të volitshme të rendit në një zonë të caktuar;

11. **"Standardi maqedonas"** është standard i miratuar nga Instituti për standardizim të Republikës së Maqedonisë së Veriut;

12. **"Standard i harmonizuar"** është standard europian i miratuar nga organizatat europiane për standardizim (CEN, CENELEC, ose ETSI), me kërkesë të Komisionit Europian dhe i publikuar në Gazetën Zyrtare të Bashkimit Europian si standard i harmonizuar, me të cilin jepet supozim për konformitetin e produktit, shërbimit, procesit ose sistemi me kërkesat e legjislacionit relevant harmonizues europian, dhe ato janë ndërmarrë dhe harmonizuar nga Instituti për Standardizim të Republikës së Maqedonisë së Veriut;

13. **"Akreditim"** është konfirmim nga organi kombëtar i akreditimit se një organ i caktuar vlerësues i konformitetit i plotëson kërkesat e nevojshme për ushtrimin e një aktiviteti të caktuar për vlerësimin e konformitetit, të parapara me standardet e harmonizuara dhe me dispozitat e këtij ligji, dhe atje ku është e zbatueshme me të gjitha kërkesat plotësuese, duke përfshirë edhe ato të parapara në rregullat relevante teknike dhe skemat sektoriale të akreditimit të nevojshme për ushtrimin e veprimtarisë specifike për vlerësimin e konformitetit;

14. **"Organ kombëtar i akreditimit"** është Instituti i akreditimit i Republikës së Maqedonisë së Veriut që është formuar dhe punon në përputhje me rregullat nga fusha e akreditimit;

15. **"Vlerësimi i konformitetit"** është çdo aktivitet me të cilin përcaktohet nëse produkti ose procesi i prodhimit është harmonizuar me kërkesat e përcaktuara teknike.

16. **"Organ për vlerësimin e konformitetit"** është organ që ushtron aktivitete për vlerësimin e konformitetit, duke përfshirë edhe aktivitetet për kalibrim, testim dhe ekzaminim, certifikim dhe inspektim-kontroll;

17. **"Organ i autorizuar për vlerësimin e konformitetit"** është organ për vlerësimin e konformitetit me seli në Republikën e Maqedonisë së Veriut, që është i autorizuar të bëjë vlerësimin e konformitetit nga Ministria e Ekonomisë ose ministria kompetente për lëshimin e autorizimit përkatës në përputhje me këtë ligj dhe rregull teknike;

18. **"Organ i notifikuar"** është organi i autorizuar për vlerësimin e konformitetit i raportuar në Komisionin European dhe vendet anëtare të BE në përputhje me këtë ligj dhe rregulloret e miratuara në bazë të këtij ligji;

19. **"Organ kompetent për autorizim"** në Republikën e Maqedonisë së Veriut është Ministria e Ekonomisë ose Ministria kompetente për dhënien e autorizimit përkatës në përputhje me këtë ligj dhe rregulloren teknike, si dhe për monitorimin e punës së organeve të autorizuar për vlerësimin e konformitetit;

20. **"Organ kompetent për njoftim dhe notifikim"** në Republikën e Maqedonisë së Veriut është Ministria e Ekonomisë e cila në përputhje me këtë ligj është përgjegjëse për njoftimin dhe notifikimin, si dhe për monitorimin e punës së organeve të autorizuar dhe notifikuara dhe për zbatimin e procedurës për njoftimin e Komisionit European dhe vendeve-anëtare të Bashkimit European në lidhje me organet për vlerësimin e konformitetit;

21. **"Pikë kontakti për evidencë dhe njoftim"** është Ministria e Ekonomisë e cila në përputhje me këtë ligj është përgjegjëse për mbajtjen e evidencës për rregullat e miratuara teknike dhe për zbatimin e procedurës për njoftimin e publikut, të Komisionit European dhe të vendeve anëtare të Bashkimit European lidhur me rregullat e miratuara teknike;

22. **"Kthim i produktit"** është çfarëdo mase për kthimin e produkti që është dorëzuar ose vënë në dispozicion konsumatorëve përfundimtarë;

23. **"Tërheqje e produktit"** nënkupton çfarëdo mase me të cilën në zinxhirin e furnizimit parandalohet që produkti të jetë i arritshëm në treg;

24. **"Dokument për konformitet"** është dokument me të cilin vërtetohet se produkti, procesi ose shërbimi janë në përputhje me kërkesat thelbësore teknike të përcaktuara në rregullën teknike, e që mund të jetë deklaratë konformiteti, certifikatë konformiteti ose ndonjë dokument tjetër;

25. **"Shenja CE"** është shenjë me të cilën prodhuesi shënon se produkti është në përputhje me kërkesat e përcaktuara në legjislacionin european të harmonizimit që parasheh përdorimin e markës;

26. **"Shenja e konformitetit"** është shenjë me të cilën prodhuesi shënon se produkti është në përputhje me kërkesat e zbatueshme të përcaktuara në rregullat teknike me të cilat parashihet përdorimi i asaj shenje;

27. **"Legjislacioni european i harmonizimit"** është legjislacioni i Bashkimit European me të cilin harmonizohen kushtet për qarkullimin e produkteve;

28. **"Legjislacion i harmonizuar"** është legjislacioni i Republikës së Maqedonisë së Veriut me të cilin harmonizohen kërkesat për plasimin e produkteve në treg me legjislacionin europian të harmonizimit;

29. **"Mbikëqyrje e tregut"** janë aktivitete dhe masa që i ndërmarrin organet e mbikëqyrjes së tregut në mënyrë që të përcaktojnë se produktet e plasuara në treg i plotësojnë kërkesat teknike dhe se nuk rrezikojnë shëndetin, sigurinë ose aspekte të tjera të mbrojtjes së interesit publik;

30. **"Rregullat teknike"** janë rregullat e miratuara në bazë të këtij ligji, me të cilat përcaktohen kërkesat për produkte ose grupe të caktuara produktesh, e me qëllim që të sigurohet që produktet janë të sigurta kur plasohen në treg dhe të sigurohet mbrojtje e jetës dhe shëndetit të njeriut, kafshëve dhe bimëve, mbrojtje e mjedisit jetësor dhe natyrës, mbrojtje e konsumatorëve dhe përdoruesve të tjerë të produkteve dhe mbrojtje të pronës;

31. **"Rregullore të harmonizuara teknike"** janë rregulloret teknike me të cilat harmonizohen kërkesat me rregullat e legjislacionit europian të harmonizimit;

32. **"Rregullore të paharmonizuara teknike"** janë rregullore teknike që nuk janë harmonizuar me rregullat e legjislacionit europian të harmonizimit dhe

33. **"Organe për mbikëqyrjen e tregut"** janë Inspektorati Shtetëror i Tregut, Inspektorati Shtetëror Sanitar dhe Shëndetësor, Inspektorati Shtetëror i Punës, Inspektorati Shtetëror për Inspektim Teknik, Inspektorati Shtetëror për Mjedisin Jetësor dhe organe të tjera të administratës shtetërore ose inspektorë që ushtrojnë mbikëqyrje të tregut në përputhje me ligjin, si dhe organe, organizata dhe trupa të tjera të pavarura rregullatore që ushtrojnë mbikëqyrje të tregut.

## Kapitulli 2

### RREGULLAT TEKNIKE

#### Qëllimi i rregullave teknike për mbrojtjen e interesave publike

##### Neni 5

Qëllimi i miratimit të rregullave teknike është t'i përcaktojë kërkesat thelbësore teknike që produkti duhet t'i plotësojë dhe me këto të sigurohet se produktet janë të sigurta kur vendosen në treg dhe vihen në përdorim ose përdoren në përputhje me dedikimin e tyre, e veçanërisht për shkak të mbrojtjes së interesit publik, mbrojtjes së jetës dhe shëndetit të njerëzve, kafshëve dhe bimëve, mbrojtjes së mjedisit jetësor dhe natyrës, mbrojtjes së konsumatorëve dhe përdoruesve të tjerë të produkteve dhe mbrojtjes së pronës.

#### Mënyrë e miratimit, e evidences dhe e njoftimit për rregulla të harmonizuara teknike

##### Член 6

(1) Rregullat teknike i miraton ministri i Ekonomisë, përkatësisht ministri në kompetencën e të cilit të përcaktuara me ligj janë çështjet që kanë të bëjnë me prodhimin, tregun, lëshimin në përdorim, përdorimin ose përdorimin e produkteve përkatëse.

(2) Gjatë miratimit të rregullave teknike sipas paragrafit (1) të këtij neni, merren parasysh parimet ndërkombëtare dhe obligimet nga marrëveshjet ndërkombëtare për parandalimin e barrierave të panevojshme në tregti.

(3) Ministria e Ekonomisë është pikë kontakti për evidencë dhe njoftim dhe është përgjegjëse për mbajtjen e evidencës së rregullave të miratuara teknike dhe për zbatimin e procedurës për njoftimin e opinionit, Komisionit Europian dhe vendeve anëtare të Bashkimit Europian lidhur me rregullat e miratuara teknike.

(4) Procedurën për njoftimin e Komisionit European për rregullat e harmonizuara dhe të paharmonizuara teknike, specifikimet dhe standardet teknike e përcakton më hollësisht Qeveria e Republikës së Maqedonisë së Veriut me propozim të ministrit të Ekonomisë.

### **Përmbajtja e rregullimit të rregullave teknike**

#### **Neni 7**

(1) Për produkte ose grupe të caktuara të produkteve, miratohen rregullore teknike që i përmbajnë kërkesat si vijon:

- kërkesat teknike që duhet t'i plotësojnë produktet kur të vendosen në treg;
- kërkesat thelbësore shëndetësore dhe të sigurisë;
- kushtet më të afërta që duhet t'i plotësojnë operatorët ekonomikë që marrin pjesë në zinxhirin e vendosjes së produktit në treg në lidhje me përmbushjen e detyrimeve në përputhje me ligjin;
- procedurat për vlerësimin e konformitetit;
- kushtet më të afërta që duhet t'i plotësojnë organet për vlerësimin e konformitetit;
- kushtet e veçanta që duhet t'i plotësojnë organet për vlerësimin e konformitetit;
- llojine dokumenteve për konformitet që duhet të shoqërojnë produktin kur ai vendoset në treg ose lëshohet në përdorim;

- dokumentacionin e nevojshëm teknik dhe dokumentet për konformitet për të dëshmuar konformitetin e produktit, që duhet të jenë në dispozicion të organeve kompetente, si dhe mënyrën dhe kohëzgjatjen e ruajtjes së saj;

- shenjat për vlerësimin e konformitetit dhe shënimin e produkteve dhe
- përdorimi i standardeve dhe specifikimeve teknike për përmbushjen e kërkesave teknike.

(2) Për disa produkte ose grupe produktesh, përkatësisht sisteme të përbëra nga disa elemente, te të cilat funksionaliteti sigurohet pas instalimit të sistemit të tërë, me rregullat teknike, krahas elementeve sipas paragrafit (1) të këtij neni përcaktohen edhe:

- procedurat për vlerësimin e konformitetit dhe lëshimi i parë në përdorim i një sistemi të tërë;
- kushtet më të afërta që duhet t'i plotësojë prodhuesi që është i përfshirë në projektimin dhe instalimin e pajisjeve, sistemeve dhe elementeve;
- procedurat për vlerësimin e kompetencës dhe marrjen e dokumentit për kompetencë gjatë ushtrimit të veprimtarisë për instalimin e sistemeve dhe
- procedurat për ndryshimin e sistemit ose ndërrimin e pjesëve që ndikojnë në përdorimin e sigurt dhe në funksionalitetin.

(3) Me rregullat teknike për produkte ose grupe të caktuara të produkteve, krahas elementeve sipas paragrafëve (1) dhe (2) të këtij neni, përcaktohen edhe:

- kërkesat për siguri të produkteve gjatë gjithë kohëzgjatjes së produktit;
- procedurat për mirëmbajtjen dhe servisimin e rregullt të produkteve;
- kushte më të afërta që duhen t'i plotësojë prodhuesi që është i përfshirë në kontrollet teknike periodike, të rregullta dhe të jashtëzakonshme të produkteve;
- procedurat për vlerësimin e kompetencës dhe marrjen e dokumentit për kompetencë gjatë ushtrimit të mirëmbajtjes dhe servisimit të rregullt të produkteve;
- mënyrën e ushtrimit të kontrolleve periodike të rregullta e të jashtëzakonshme të produkteve;
- kushtet më të afërta që duhet t'i plotësojnë organet që janë të përfshira në kontrollret teknike periodike, të rregullta dhe të jashtëzakonshme të produkteve;
- procedurat për vlerësimin e kompetencës dhe marrjen e autorizimit për ushtrimin e kontrolleve teknike periodike, të rregullta e të jashtëzakonshme të produkteve dhe

- kërkesa të tjera që ndikojnë në përdorimin e sigurt të produktit gjatë gjithë kohëzgjatjes së tij.

### **Supozimi i konformitetit**

#### **Neni 8**

(1) Përputhshmëria e produktit me kërkesat e përcaktuara në rregullat teknike arrihet me përdorimin e standardeve përkatëse.

(2) Kur me rregullat e harmonizuara teknike përcaktohen kërkesat thelbësore shëndetësore dhe të sigurisë, me zbatimin e zgjidhjeve teknike nga standardi i harmonizuar ose aplikimi i përbashkët me standarde të tjera të harmonizuara, konsiderohet se produkti është konform me kërkesat thelbësore të rregullës teknike.

(3) Në procedurën e vlerësimit të konformitetit mund të zbatohen edhe kërkesa të tjera teknike që nuk janë përfshirë nga standardet, nëse me zbatimin e tyre sigurohet së paku niveli i njëjtë i mbrojtjes si me zbatimin e kërkesës së përfshirë me standardet.

(4) Nëse sipas kërkesave të parapara për produktet e përcaktuara me rregulloret e paharmonizuara teknike, është konstatuar se produktet duhet të testohen para vendosjes në treg, ato mund të vendosen në treg vetëm në Republikën e Maqedonisë së Veriut. nëse janë testuar në organet për vlerësim të konformitetit në vendet anëtare të Bashkimit European, EEP dhe/ose Republikën e Maqedonisë së Veriut, me kusht që rezultatet e këtyre testeve të jenë në dispozicion të autoriteteve kompetente të inspektimit.

### **Lista e standardeve të harmonizuara kombëtare**

#### **Neni 9**

(1) Listën e standardeve të harmonizuara në bazë të të cilave do të vlerësohet konformiteti i produktit me kërkesat e rregulloreve të harmonizuara teknike, e publikon ministri i Ekonomisë, përkatësisht ministri kompetent për miratimin e rregullës teknike në Gazetën Zyrtare të Republikës së Maqedonisë së Veriut.

(2) Instituti për standardizim i Republikës së Maqedonisë së Veriut, është i obliguar t'ia dorëzojë ministrisë kompetente, me kërkesë të saj, listën e përditësuar të standardeve të harmonizuara.

(3) Ministri i Ekonomisë, përkatësisht ministri kompetent për miratimin e rregullave të harmonizuara teknike, është i obliguar që listën e standardeve të harmonizuara kombëtare, që përditësohet vazhdimisht, ta publikojë në Gazetën Zyrtare të Republikës së Maqedonisë së Veriut me informacione për shenjën dhe emërtimin e standardit, fillimin e zbatimit, ndërprerjen e zbatimit dhe referencimit të rregullës së harmonizuar teknike për të cilat përdorimi i standardit të harmonizuar siguron supozim për konformitet.

### **Kapitulli 3**

## **DETYRIMET E OPERATORËVE EKONOMIKË**

### **Detyrime të prodhuesit**

#### **Neni 10**

(1) Para se ta vendosë në treg produktin e vet, prodhuesi është i detyruar të sigurojë se produkti i tij është i projektuar dhe prodhuar në përputhje me rregullat teknike që kanë të bëjnë me atë produkt.

(2) Në përputhje me rregullat teknike të miratuara në bazë të këtij ligji, prodhuesi është i obliguar që të përpilojë dokumentacionin e përcaktuar teknik dhe të zbatojë ose sigurojë zbatimin e procedurës së aplikueshme për vlerësimin e konformitetit të produktit.

(3) Kur me procedurë për vlerësimin e konformitetit dëshmohet konformiteti i produktit me kërkesat e përcaktuara, prodhuesi është i detyruar të përpilojë deklaratë të konformitetit dhe të vendosë shenjë të konformitetit kur kjo është e përcaktuar me rregullat teknike.

(4) Prodhuesi është i detyruar të ruajë dokumentacionin teknik dhe deklaratën e konformitetit edhe pas vendosjes së produktit në treg, në afatin e përcaktuar me rregullën teknike.

(5) Prodhuesi është i detyruar të sigurojë konformitetin e produkteve gjatë prodhimit serik dhe të sigurojë se zbatohen procedurat e vlerësimit të konformitetit të përcaktuara në rregullat teknike.

(6) Gjatë deklaramentit se produkti është konform, prodhuesi duhet të marrë parasysh ndryshimet eventuale në zgjidhjen e projektit ose karakteristikat e produktit, si dhe ndryshimet në standardet e harmonizuara ose në specifikimet teknike që përdoren.

(7) Me qëllim që të mbrojë shëndetin dhe sigurinë e konsumatorëve, e varësisht nga rreziqet që rezultojnë nga produkti, prodhuesi është i detyruar të ushtrojë kontrole dhe testime të produkteve që i vendos në treg, si dhe të mbajë evidencë për ankesat e parashtruara për produkte që nuk janë konforme dhe tërheqje të produkteve, e për këtë t'i informojë shpërndarësit.

(8) Prodhuesi është i detyruar të shënojë produktin e tij me numrin e llojit, sharzhës ose serisë, ose ndonjë element tjetër që mundëson identifikimin e tij, me ç'rast të dhënat duhet të shënohen në vetë produktin ose nëse madhësia respektivisht natyra e produktit, nuk e mundëson këtë të dhënat mund të përmenden në paketimin e tij ose në dokumentet që shoqërojnë produktin.

(9) Prodhuesi është i detyruar të shënojë në produktin ose, nëse kjo nuk është e mundur, në paketimin e tij ose në dokumentet që shoqërojnë produktin, emrin e tij, emrin ose markën e regjistruar tregtare dhe adresën e kontaktit.

(10) Në rastet kur dispozitat teknike të miratuara në bazë të këtij ligji e kërkojnë, produkti duhet të shoqërohet me udhëzime dhe të dhëna për sigurinë, të shkruara në gjuhën maqedonase dhe alfabetin e saj cirilik, si dhe në një gjuhë të cilën e flasin 20% e qytetarëve zyrtarë në territorin e Republikës së Maqedonisë së Veriut, që nuk përjashton mundësinë e përdorimit të njëkohshëm edhe të gjuhëve të tjera.

(11) Nëse me kontrollet dhe testimet e zbatuara të produkteve të vendosura në treg, merren njohuri se produkti nuk është konform me kërkesat e rregullave teknike, prodhuesi është i detyruar të marrë masa korrigjuese pa vonesë për të arritur konformitetin e produktit ose nëse është e përshtatshme tërheqje të produktit nga tregu dhe parandalim të shpërndarjes së tij. Nëse nga produkti jokonform rezulton rrezik, prodhuesi duhet pa vonesë të njoftojë organet kompetente për mbikëqyrjen e tregut, Ministrinë e Ekonomisë dhe autoritetet kompetente në vendet anëtare të Bashkimit Europian ku vendoset produkti, duke deklaruar të dhënat për jokonformitet të produktit dhe veprimet e ndërmarra.

(12) Prodhuesi është i detyruar që me kërkesë të organit kompetent për mbikëqyrjen e tregut të dorëzojë të gjitha të dhënat dhe dokumentet e nevojshme për të dëshmuar konformitetin e produktit.

(13) Prodhuesi është i detyruar me kërkesë të organit kompetent për mbikëqyrjen e tregut të bashkëpunojë në të gjitha aktivitetet me qëllim të eliminimit të rreziqeve që rezultojnë nga produkti i vendosur në treg, e që nuk është konform rregullave teknike.

## **Obligime të përfaqësuesit të autorizuar**

### Neni 11

(1) Prodhuesi me autorizim me shkrim mund të autorizojë person fizik ose juridik të themeluar në Republikën e Maqedonisë së Veriut.

(2) Detyrimi sipas nenit 10, paragrafi (1) të këtij ligji si dhe përpilimi i dokumentacionit teknik nuk është detyrim i përfaqësuesit të autorizuar.

(3) Përfaqësuesi i autorizuar është i detyruar t'i zbatojë detyrat që i janë besuar me autorizuar nga prodhuesi.

(4) Me autorizimin duhet t'i sigurohet përfaqësuesit të autorizuar së paku këto:

- të ruajë deklaratën e konformitetit dhe dokumentacionin teknik për disponimin e organeve kompetente për mbikëqyrjen e tregut, në afatin e përcaktuar me rregullën teknike që ka të bëjë me produktin;

- të sigurojë të gjitha të dhënat dhe dokumentet e nevojshme për të vërtetuar konformitetin e produktit me kërkesë të autoritetit kompetent të mbikëqyrjes së tregut; dhe

- të bashkëpunojë me organin kompetent të mbikëqyrjes së tregut për çdo kërkesë të tij në lidhje me masat e ndërmarra për eliminimin e rreziqeve që rrjedhin nga produkti për të cilin është lëshuar autorizimi.

## **Obligime të importuesve**

### Neni 12

(1) Importuesi është i obliguar t'i vendosë produktet në tregun e Republikës së Maqedonisë së Veriut vetëm nëse ato janë në përputhje me kërkesat e rregullave teknike që zbatohen për to.

(2) Para vendosjes së produktit në treg, importuesi është i detyruar të përcaktojë se prodhuesi ka kryer procedurat përkatëse të vlerësimit të konformitetit, ka përpiluar dokumentacionin teknik, produkti i mban shenjat e përcaktuara të konformitetit ose shenja të tjera, produkti shoqërohet me dokumentet e parapara dhe që i plotëson kushtet e përcaktuara në nenin 10 paragrafët (8) dhe (9) të këtij ligji.

(3) Kur importuesi e di ose ka arsye të besojë se produkti nuk është në përputhje me dispozitat e rregullave teknike që janë të zbatueshme për atë produkt, nuk guxon ta vendosë produktin në treg derisa nuk zbatohet procedurë për vlerësimin e konformitetit me kërkesat e rregullave teknike për atë produkt. Kur nga produkti lind ndonjë rrezik, importuesi është i detyruar të njoftojë pa vonesë prodhuesin dhe organet kompetente për mbikëqyrjen e tregut.

(4) Importuesi është i obliguar në produkt, ose kur kjo nuk është e mundur në ambalazhimin e tij ose në dokumentin që e shoqëron produktin, të përmend emrin e tij, emrin e regjistruar tregtar ose markën e regjistruar tregtare, si dhe adresën në të cilën ndodhet në dispozicion.

(5) Në rastet kur dispozitat teknike të miratuara në bazë të këtij ligji e kërkojnë atë, produkti duhet të shoqërohet me udhëzime dhe të dhëna për sigurinë, të shkruara në gjuhën maqedonase dhe alfabetin e saj cirilik, si dhe në një gjuhën të cilën e flasin 20% e qytetarëve zyrtarë në territorin e Republikës së Maqedonisë së Veriut, që nuk përjashton mundësinë e përdorimit të njëkohshëm edhe në gjuhë të tjera.

(6) Importuesi është i detyruar derisa produkti nuk është i lëshuar në treg të sigurojë që kushtet e magazinimit ose transportit të mos e rrezikojnë konfirmimitetin e produktit me kërkesat e përcaktuara në rregullat teknike.

(7) Në rastet kur kjo është e mundur, e duke marrë parasysh rreziqet që rezultojnë nga produkti, në mënyrë që të mbrohet shëndeti dhe siguria e konsumatorëve, importuesi është i detyruar të zbatojë ekzaminimin e mostrave të produktit që e vendos në treg dhe nëse është e nevojshme të mbajë evidencën e ankesave në lidhje me produktet që nuk përputhen dhe evidencë për produkte të tërhequra, e për këtë t'i njoftojë shpërndarësit.

(8) Kur importuesi e di ose ka arsye për të besuar ose supozon në përputhje me profesionalizmin e tij se produkti që e vendos në treg nuk është në përputhje me kërkesat e rregullave teknike të zbatueshme për atë produkt, ai është i detyruar të ndërmarrë masa pa vonesë, për ta bërë atë produkt të përputhshëm, respektivisht për të kryer një vlerësim të konformitetit të produktit me kërkesat e rregullave teknike ose për të bërë kthimin ose tërheqjen e produktit nga tregu.

(9) Kur nga produkti rezulton rrezik, importuesi duhet të informojë pa vonesë organet kompetente për mbikëqyrjen e tregut, duke bërë të ditur të dhënat për mospërputhshmërinë e produktit dhe aktivitetet e ndërmarra që ai produkt të jetë në përputhje me kërkesat e rregullave teknike.

(10) Në rastet kur me rregullat teknike të miratuara në bazë të këtij ligji kërkohet ruajtja e deklaratës së konformitetit dhe e dokumentacionit teknik, importuesi është i detyruar t'i ruajë ato së paku dhjetë vjet ose më gjatë në afatin e përcaktuar me rregullën teknike, e me qëllim që ato të jenë në dispozicion të organeve kompetente të mbikëqyrjes së tregut.

(11) Importuesi është i detyruar me kërkesë të organeve kompetente për mbikëqyrjen e tregut të dorëzojë të gjitha të dhënat dhe dokumentet e nevojshme për të vërtetuar konformitetin e produktit dhe duhet të bashkëpunojë me organin kompetent për mbikëqyrjen e tregut në lidhje me të gjitha aktivitetet e ndërmarra për mënjanimin e rreziqeve, që rezultojnë nga produkti që e ka hedhur në treg.

### **Detyrimet e shpërndarësit**

#### **Neni 13**

(1) Shpërndarësi duhet të respektojë kërkesat e përcaktuara në mënyr që produkti të jetë i sigurt në përputhje me rregullat teknike kur atë e bën të disponueshëm në treg.

(2) Para se të mundësojë disponueshmëri të produktit në treg, shpërndarësi duhet të kontrollojë nëse produkti është i shënuar me shenjat e përcaktuara të konformitetit ose shenja të tjera, nëse produkti shoqërohet me dokumentet e përcaktuara, të dhënat dhe udhëzimet e sigurisë të shkruara në një gjuhë të kuptueshme për konsumatorët dhe përdoruesit, si dhe nëse prodhuesi dhe importuesi i kanë përmbushur kërkesat sipas nenit 10, paragrafët (8) dhe (9) dhe sipas nenit 12, paragrafi (4) të këtij ligji.

(3) Kur shpërndarësi, në përputhje me profesionalizmin e tij, e di ose supozon në bazë të informacioneve se produkti nuk është në përputhje me dispozitat e rregullave teknike të zbatueshme për atë produkt, ai nuk duhet të mundësojë disponueshmërinë e tij në treg derisa ai produkt bëhet i përputhshëm, respektivisht të zbatojë përputhjen e produktit me rregullat teknike.

(4) Kur nga produkti rezulton rrezik, shpërndarësi duhet të informojë prodhuesin ose importuesin, si dhe organet kompetente për mbikëqyrjen e tregut.

(5) Përderisa produkti është nën kompetencën e shpërndarësit, ai duhet të sigurojë që kushtet e magazinimit ose transportit të mos e rrezikojnë përputhshmërinë e produktit me kërkesat e përcaktuara në rregullat teknike.

(6) Kur shpërndarësi e di ose ka arsye për të besuar se produkti që ai ka vënë në dispozicion në treg nuk është në përputhje me dispozitat e rregullave të harmonizuara teknike të zbatueshme për atë produkt, ai duhet të ndërmarrë pa vonesë aktivite në mënyrë që ai produkt të jetë në përputhje me kërkesat e rregullave teknike, e nëse është e nevojshme të kthehet ose tërhiqet produkti nga tregu.

(7) Kur nga produkti rezulton rrezik, shpërndarësi duhet të informojë menjëherë organet kompetente për mbikëqyrjen e tregut, duke treguar të dhënat për mospërputhshmërinë e produktit dhe aktivitetet e ndërmarra në mënyrë që ai produkt të jetë në përputhje me kërkesat e rregullave teknike.

(8) Shpërndarësi duhet, me kërkesë të organeve kompetente të mbikëqyrjes së tregut, të sigurojë të gjitha të dhënat dhe dokumentet e nevojshme për të vërtetuar konformitetin e produktit dhe duhet të bashkëpunojë me organin kompetent të mbikëqyrjes së tregut për të gjitha aktivitetet e ndërmarra për të eliminuar rreziqet që i shkakton produkti të cilit i mundëson disponueshmëri në treg.

### **Detyrime të prodhuesit kur zbatohen te importuesi dhe shpërndarësi**

#### Neni 14

Nëse importuesi ose shpërndarësi vendos një produkt në treg nën emrin ose markën e tij tregtare ose bën ndryshimin e një produkt që tashmë është vendosur në treg në mënyrë të tillë që duhet të zbatohen rregullat teknike për atë produkt, ai do të konsiderohet si prodhues dhe do të ketë të njëjtat detyrime si edhe prodhuesi në përputhje me nenin 10 të këtij ligji.

### **Detyrimet e tjera të operatëve ekonomikë**

#### Neni 15

(1) Çdo operator ekonomik me kërkesë të organit kompetent për mbikëqyrjen e tregut duhet t'ia dorëzojë të dhënat e identitetit:

- a) çdo operatori ekonomik që ia ka dorëzuar atij produktin dhe
- b) çdo operatori ekonomik të cilit ai ia ka dorëzuar produktin.

(2) Të dhënat sipas paragrafit (1) të këtij neni duhet të jenë të disponueshme në afatin e përcaktuar me rregullat teknike, duke marrë parasysh kohëzgjatjen e produktit dhe shkallën e rrezikut.

#### Kapitulli 4

### **VLERËSIMI I KONFIRMIMIT**

#### **Module për vlerësimin e konfirmimit**

#### Neni 16

(1) Gjatë vlerësimit të konfirmimit të produkteve, do të përdoren modulet e mëposhtme ose kombinimi i tyre, në varësi të rregullës së harmonizuar teknike për produktin:

- moduli A: Kontrolli i brendshëm i prodhimit
- moduli A1: Kontrolli i brendshëm i prodhimit dhe testimi mbikëqyrës i produktit
- moduli A2: Kontrolli i brendshëm i prodhimit dhe kontrolli mbikëqyrës të produktit në intervale sipas zgjedhjes së rastësishme
- moduli B: EC - shqyrtim i llojit
- moduli C: Konformiteti i llojit bazuar në kontrollin e brendshëm të prodhimit
- moduli C1: Konformiteti i llojit i bazuar në kontrollin e brendshëm të prodhimit dhe testim mbikëqyrës i produktit
- moduli C2: Konformiteti i llojit i bazuar në kontrollin e brendshëm të prodhimit dhe kontrolli mbikëqyrës të produkteve në intervale sipas zgjedhjes së rastësishme
- moduli D: Përputhja me llojin bazuar në sigurimin e cilësisë së procesit të prodhimit
- moduli D1: Sigurimi i cilësisë së procesit të prodhimit
- Moduli E: Konformiteti i llojit bazuar në sigurimin e cilësisë së produktit

- moduli E1: Sigurimi i cilësisë së inspektimeve (kontrolleve) dhe testimeve të produktit përfundimtar

- moduli F: Konformimit me lloj të bazuar në verifikimin e produktit

- moduli F1: Konformiteti i bazuar në verifikimin e produktit

- moduli G: Konformiteti i bazuar në verifikimin individual

- moduli H: Konformiteti i bazuar në sigurimin e sistemit të plotë të cilësisë dhe

- moduli H1: Konformiteti i bazuar në sigurimin e sistemit të plotë të cilësisë dhe shqyrtimit të projektit.

(2) Modulet për vlerësimin e konformitetit sipas paragrafit (1) të këtij neni do t'i përcaktojnë më hollësisht Qeveria e Republikës së Maqedonisë së Veriut me propozim të ministrit të Ekonomisë.

### **Procedura për vlerësimin e konformitetit**

#### **Neni 17**

(1) Kur me rregullat e harmonizuara teknike kërkohet kryerja e vlerësimit të konformitetit për një produkt të caktuar, procedurat e vlerësimit të konformitetit që do të zbatohen në rregullën teknike zgjidhen nga modulet e përcaktuara në nenin 16 të këtij ligji, ndërsa zgjidhen në përputhje me kriteret si vijon:

(a) nëse ai modul është përkatës për llojin e produktit;

(b) natyrën e rreziqeve të lidhura me produktin dhe shkallën në të cilën vlerësimi i konformitetit është i përshtatshëm me llojin dhe shkallën e rrezikut;

(c) përfshirja e palës së tretë është e detyrueshme nëse ato janë të parapara me rregulloret teknike dhe nevojitet që prodhuesi të ketë zgjedhje midis sistemeve të sigurimit të cilësisë dhe moduleve të certifikimit të produktit; dhe

(ç) shmangie e moduleve që do të ishin shumë ngarkues në lidhje me rreziqet e përcaktuara me rregullat e sigurisë së produkteve.

(2) Kur produkti i nënshtrohet rregullimit të disa rregullave teknike, duhet të sigurohet konsistenca ndërmjet procedurave të vlerësimit të konformitetit me rregullat teknike.

(3) Modulet sipas nenit 16 të këtij ligji do të aplikohen ashtu siç është përkatëse për atë produkt dhe në përputhje me legjislacionin harmonizues evropian.

(4) Për produktet e përpunuara me porosi dhe për prodhim të vogël serik, gjatë zbatimit të procedurave të vlerësimit të konformitetit, duhet pasur kujdes që kërkesat teknike dhe administrative të organeve të vlerësimit të konformitetit të mos paraqesin pengesë dhe të korrespondojnë me llojin e prodhimit.

(5) Gjatë aplikimit të moduleve sipas nenit 16 të këtij ligji zbatohen edhe kërkesa si vijon nëse janë të përcaktuara me rregullat relevante teknike:

(a) lidhur me dokumentacionin teknik mund të përfshihen informacione shtesë nga ato që janë përcaktuar në modulet;

(b) lidhur me kohën për të cilën prodhuesi dhe/ose organi i autorizuar, respektivisht notifikuar janë të detyruar të ruajnë çdo dokumentacion, mund të ndryshohet periudha e përcaktuar në modulet;

(c) prodhuesit mund t'i sigurohet zgjedhja e testeve që do të bëhet nga organi i akredituar në përbërje të tij ose nën përgjegjësinë e një organi të autorizuar, respektivisht të notifikuar të zgjedhur nga prodhuesi;

(ç) kur bëhet testimi i produktit, mund të përcaktohet se prodhuesi ka mundësinë të zgjedhë nëse ekzaminimet dhe testet për kontrollin e konformitetit të produkteve me kërkesat përkatëse do të zbatohen nëpërmjet ekzaminimit dhe testimit të çdo produkti ose nëpërmjet ekzaminimit dhe testimit të produkteve në bazë statistikore;

(d) mund të sigurohet që BE-certifikata e ekzaminimit të llojit të ketë periudhë vlefshmërie prej të paktën dhjetë vjetësh ose periudhën e përcaktuar në rregullën teknike;

(dh) në lidhje me BE-certifikatën e ekzaminimit të llojit, të specifikohen informacionet relevante për vlerësimin e konformitetit dhe kontrollit të brendshëm të produktit dhe ato të përfshihen në rregullën teknike ose shtojcat e saj;

(e) për procedurat e ndryshme, e në lidhje me obligimet e organit të autorizuar, respektivisht të notifikuar, të sigurohet mundësinë për të informuar organin kompetent për autorizim dhe notifikim; dhe

(ë) nëse organi i autorizuar për vlerësim të konformitetit zbaton inspektive periodike, të përcaktohet dinamika e tyre.

(6) Me zbatimin e moduleve sipas nenit 16 të këtij ligji zbatohen edhe kërkesat si vijon nëse janë të parapara në rregullat relevante teknike:

(a) gjatë ushtrimit të kontrolleve dhe/ose verifikimit të produktit, të përcaktohen produktet me të cilat kanë të bëjnë, testime përkatëse, skema adekuate për marrjen e mostrave, karakteristikat operacionale të metodave statistikore që do të zbatohen dhe aktivitetet përkatëse që duhet të ndërmerren nga personi i autorizuar, respektivisht organi i notifikuar dhe/ose prodhuesi dhe

(b) kur bëhet ekzaminimi EC i llojit të përcaktohet mënyra përkatëse (për projektin e llojit, për prodhimin e llojit, për projektin e tipit dhe prodhimin) dhe mostrat e nevojshme për zbatimin.

## Кapитulli 5

### ORGANE PËR VLERËSIMIN E KONFORMITETIT

#### Lloje të organeve

##### Neni 18

(1) Vlerësim të konformitetit të produkteve ose grupit të produkteve që janë përfshirë nga rregullat e harmonizuara teknike, mund të bëjnë vetëm:

- organe të akredituara në përbërje të prodhuesit dhe
- organe të autorizuar për vlerësimin e konformitetit.

(2) Organet e akredituara në përbërje të prodhuesit mund të bëjnë vlerësimin e konformitetit vetëm për modulet A1, A2, C1 ose C2 sipas nenit 16 të këtij ligji, varësisht nga fushëveprimi i akreditimit.

(3) Organet e autorizuar për konformitet mund të bëjnë vlerësimin e konformitetit për të gjitha modulet sipas nenit 16 të këtij ligji, varësisht nga fushëveprimi i autorizimit.

#### Organi i autorizuar për vlerësimin e konformitetit

##### Neni 19

(1) Organi i autorizuar për vlerësimin e konformitetit në bazë të këtij ligji, mund të jetë vetëm personi juridik me seli në Republikën e Maqedonisë së Veriut.

(2) Organi i autorizuar për vlerësimin e konformitetit, përveç kushteve nga ky nen, vazhdimisht duhet t'i përmbushë edhe kërkesat sipas neneve 20, 21, 22, 23, 24, 25, 26, 27 dhe 28 të këtij ligji.

(3) Organi i autorizuar për vlerësimin e konformitetit është i detyruar t'i plotësojë këto kushte:  
- të jetë i regjistruar për ushtrimin e aktivitetit përkatës që përfshin vlerësimin e konformitetit të produkteve,

- të ketë dëshmi të bonitetit pozitiv, e për shoqëritë e sapothemeluara deklarata nga personi përgjegjës në personin juridik se në afat prej 12 muajve duke llogaritur nga dita e lëshimit të aktvendimit për ushtrimin e vlerësimit të konformitetit, do të dorëzojë dëshmi për bonitet pozitiv,

- të posedojë akreditimin përkatës për fushat për të cilat ushtron vlerësimin e konformitetit të produkteve në përputhje me rregulloret teknike ose rregullat nga legjislacioni harmonizues evropian;

- të posedojë sigurim nga përgjegjësia profesionale në përputhje me këtë ligj,

- të posedojë staf profesional në përputhje me këtë ligj dhe rregullat teknike dhe

- të ketë staf adekuat profesional, pajisje hapësinore dhe teknike në përputhje me këtë ligj dhe rregullat teknike.

(4) Organi i autorizuar për vlerësimin e konformitetit është i obliguar që në vazhdimësi të sigurojë besueshmëri pozitive për punën e personit juridik në përputhje me paragrafin (3) nënparagrafi 2 të këtij neni.

### **Pavarësia e organit të autorizuar për vlerësimin e konformitetit**

#### **Neni 20**

(1) Organi i autorizuar për vlerësimin e konformitetit duhet të akreditohet si palë e tretë e pavarur, përkatësisht të jetë i pavarur nga subjekti për të cilin ushtron vlerësimin e konformitetit dhe në mënyrë të pavarur në raport me produktin për të cilin ushtrohet vlerësimi i konformitetit. Organi që i përket një shoqate ose ode ekonomike që përfaqëson interesat e subjekteve të përfshira në projektimin, prodhimin, furnizimin, montimin dhe instalimin, përdorimin ose mirëmbajtjen e produktit ku ushtrohet vlerësimi i konformitetit mund të konsiderohet organ i pavarur me kusht që të dëshmojë pavarësinë dhe çfarëdo mosekzistimi të konfliktit të interesit.

(2) Organi i autorizuar i vlerësimit të konformitetit, personat e tij përgjegjës udhëheqës dhe personat përgjegjës për zbatimin e detyrave të vlerësimit të konformitetit nuk mund të jenë projektues, prodhues, furnizues, instalues, blerës, pronarë, përdorues ose mirëmbajtës të produkteve për të cilat ata kryejnë vlerësimin e konformitetit, as përfaqësues të autorizuar të ndonjëres prej këtyre palëve. Organet e vlerësimit të konformitetit mund të përdorin produkte që i janë nënshtruar vlerësimit prej tyre, ndërsa janë të domosdoshme për ushtrimin e punës nga fushëveprimi i tyre, respektivisht personat e përfshirë në vlerësimin e konformitetit mund t'i përdorin këto produkte për përdorim personal.

(3) Organi i autorizuar për vlerësimin e konformitetit, personat e tij përgjegjës udhëheqës dhe personat përgjegjës për ushtrimin e detyrave të për vlerësimin e konformitetit nuk mund të përfshihen drejtpërdrejt në projektimin, prodhimin ose ndërtimin, tregtimin, instalimin, përdorimin ose mirëmbajtjen e produktit, ose të jenë përfaqësues. të palëve të përfshira në këto aktivitete.

(4) Organi i autorizuar i vlerësimit të konformitetit, personat e tij përgjegjës udhëheqës dhe personat përgjegjës për zbatimin e detyrave të vlerësimit të konformitetit nuk do të përfshihen në asnjë aktivitet që mund të bie ndesh me pavarësinë e tyre gjatë vendimmarrjes ose me integritetin në raport me aktivitetet e vlerësimit të konformitetit për produktet për të cilat janë të autorizuar, në veçanti duke përfshirë shërbimet e konsulencës.

(5) Organet e autorizuar të vlerësimit të konformitetit sigurojnë se aktivitetet e nënkontraktorëve të tyre të mos cenojnë besueshmërinë, objektivitetin ose paanshmërinë e procedurave të tyre të vlerësimit të konformitetit.

(6) Organet e autorizuar të vlerësimit të konformitetit dhe personat e tyre duhet të zbatojnë procedurat e vlerësimit të konformitetit me vëmendjen e ekspertëve profesionistë, shkallën më të lartë të integritetit profesional dhe kompetencën teknike të kërkuar në një fushë të caktuar dhe nuk duhet t'i nënshtrohen asnjë presioni apo nxitjeje. në veçanti ato financiare, që nuk do të ndikojnë

ose mund të ndikonin në vendimin e tyre ose në rezultatin e procedurave të tyre të vlerësimit të konformitetit, veçanërisht në lidhje me individë ose grupe personash që kanë interes në rezultatin e aktivitetit të vlerësimit të konformitetit.

(7) Organi për vlerësimin e konformitetit duhet të jetë i paanshëm dhe i pavarur nga ndikimet financiare në lidhje me numrin e vlerësimeve të kryera ose me rezultatet e vlerësimeve të kryera.

### **Aftësia për ushtrimin e vlerësimit të konformitetit**

#### **Neni 21**

(1) Organi i autorizuar për vlerësimin e konformitetit duhet të jetë në gjendje t'i ushtrojë të gjitha punët lidhur me vlerësimin e konformitetit për të cilat është i autorizuar në përputhje me këtë ligj dhe në përputhje me rregullat e harmonizuara teknike, pa marrë parasysh nëse ato detyra i ushtron në mënyrë të pavarur apo në emër të tij zbaton nënkontraktor, e për të cilin organi është përgjegjës.

(2) Organi i autorizuar për vlerësimin e konformitetit duhet vazhdimisht dhe për secilën procedurë të vlerësimit të konformitetit dhe për çdo lloj apo kategori të produkteve për të cilat është i autorizuar të ketë:

(a) numri i mjaftueshëm i të punësuarve me dituri teknike dhe përvojë përkatëse për të ushtruar detyrat e vlerësimit të konformitetit, të përcaktuara me rregullat teknike;

(b) përshkrim i procedurave sipas të cilave kryhet vlerësimi i konformitetit, transparenca e siguruar dhe mundësia e riprodhimit të procedurave të njëjta dhe politikave dhe procedurave të përcaktuara përkatëse që bëjnë dallimin mes detyrave që i ushtron si organ i autorizuar dhe aktiviteteve të tjera të biznesit dhe

(c) procedura për ushtrimin e aktiviteteve që e marrin parasysh në mënyrë përkatëse madhësinë e subjektit, sektorit në të cilin punon, strukturën e tij, shkallën e kompleksitetit të teknologjisë së produktit në fjalë ose natyrën serike të procesit të prodhimit.

(3) Organi i autorizuar për vlerësimin e konformitetit është i obliguar që të sigurojë të gjitha mjetet e nevojshme për ushtrimin e punëve teknike dhe administrative në mënyrë të duhur dhe të ketë qasje në të gjitha pajisjet ose kapacitetet e nevojshme për zbatimin e vlerësimit të konformitetit.

### **Kuadër profesional I trupit të autorizuar**

#### **Neni 22**

(1) Organi i autorizuar për vlerësimin e konformitetit është i obliguar të siguroj kuadrin e nevojshëm profesional për të mundësuar që në mënyrë të drejtë dhe me shkallën më të lartë të integritetit profesional dhe kompetencës teknike t'i ushtrojë detyrat teknike dhe administrative lidhur me vlerësimin e konformitetit të produkteve në zonën për të cilën organi është i autorizuar.

(2) Organi i autorizuar për vlerësimin e konformitetit duhet të ketë vazhdimisht të punësuar profesionistë me orar të plotë të punës, me arsim të lartë përkatës, në përputhje me kërkesat e rregullave të harmonizuara teknike.

(3) Me akreditim kontrollohet nëse profesionistët e përfshirë në aktivitetet lidhur me vlerësimin e konformitetit kanë:

(a) trajnimi teknik dhe profesional që mbulon të gjitha aktivitetet e vlerësimit të konformitetit për të cilat është i autorizuar organi i vlerësimit të konformitetit;

(b) njohuri për kërkesat për vlerësimet që ata i ushtrojnë, kompetencë përkatëse dhe kompetencën për të ushtruar vlerësimet e konformitetit sipas strukturës organizative të organit;

(c) njohjen dhe kuptimin e kërkesave thelbësore të standardeve të harmonizuara dhe rregulloreve përkatëse të harmonizuara teknike, si dhe të rregullave për zbatimin e tyre; dhe

(ç) aftësi për të përpiluar certifikata, evidencë dhe raporte që rezultojnë nga vlerësimi i bërë i konformitetit.

(4) Me rregulloret teknike do të përshkruhen më hollësisht kërkesat për kuadrin e nevojshëm profesional të cilat përfshijnë së paku njërin nga elementet si vijon:

- numrin e kuadrin profesional dhe aftësitë të tyre profesional në përputhje me kornizën kombëtare të kualifikimeve;

- përvojën e nevojshme në këtë fushë;

- licencat, certifikatat ose autorizimet e nevojshme të lëshuara në përputhje me ligje të tjera dhe

- trajnimet e nevojshme specifike për arsimim dhe trajnim të vazhdueshëm.

### **Sigurimi i përgjegjësisë**

#### **Neni 23**

(1) Organi i autorizuar për vlerësimin e konformitetit është i detyruar të sigurojë çdo vit nga përgjegjësia për dëmin që mund të shkaktohet nga kryerja e veprimtarisë.

(2) Sigurimi sipas paragrafit (1) të këtij neni do të jetë në vlerë prej së paku 300,000 euro në kundërvlerë denari sipas kursit të mesëm të këmbimit të Bankës Popullore të Republikës së Maqedonisë së Veriut dhe plotësisht, pa zbritje, për të mbuluar dëmet e vetme.

### **Mbrojtja e informacioneve**

#### **Neni 24**

(1) Organi i autorizuar i vlerësimin të konformitetit dhe të punësuarit e tij janë përgjegjës për ruajtjen dhe kujdesin e konfidencialitetit të të gjithë informacioneve të marra gjatë kryerjes së detyrave sipas këtij ligji ose ligji tjetër në lidhje me kryerjen e vlerësimin të konformitetit të produkteve, përveç para organeve mbikëqyrëse të tregut.

(2) Organi i autorizuar për vlerësimin e konformitetit dhe të punësuarit e tij janë përgjegjës për mbrojtjen e të drejtave të pronësisë intelektuale në lidhje me produktet, konformitetin e të cilëve ata vlerësojnë.

### **Përmirësimi bazuar në informacion dhe shkëmbim të përvojave**

#### **Neni 25**

Organet e autorizuar të vlerësimin të konformitetit duhet të marrin pjesë aktivisht në komitetet teknike kombëtare dhe europiane në fushën e standardizimit dhe vlerësimin të konformitetit për përmirësimin, informacionin dhe shkëmbimin e përvojave, si dhe të sigurohen që personat e tyre të njihen me të gjitha aktivitetet përkatëse në fushën e standardizimit dhe vlerësimin të konformitetit.

### **Përfshirja e organit tjetër të autorizuar për vlerësim të konformitetit si nënkontraktor**

#### **Neni 26**

(1) Kur organi i autorizuar i vlerësimin të konformitetit përfshin një organ tjetër të vlerësimin të konformitetit si nënkontraktor në procedurat e vlerësimin të konformitetit për të cilat është i autorizuar, duhet të sigurojë që përfshirja e tij të mos cenojë kërkesat e përcaktuara në nenet 19,20,21; 22, 23, 24 dhe 25 të këtij ligji, dhe përfshirja e tij njoftohet nga Ministria e Ekonomisë ose ministria kompetente për lëshimin e autorizimit përkatës në përputhje me këtë ligj dhe rregulloren teknike.

(2) Organet e autorizuar të vlerësimit të konformitetit do të jenë përgjegjës për detyrat e kryera nga një organ tjetër i autorizuar i vlerësimit të konformitetit si nënkontraktor.

(3) Disa aktivitete mund të kryhen nga një organ tjetër i autorizuar për vlerësimin e konformitetit si nënkontraktor vetëm me pëlqimin e operatorit ekonomik.

(4) Organet e autorizuar për vlerësimin e konformitetit për punën e kryer në përputhje me rregulloret teknike të harmonizuara, duhet të vënë në dispozicion dokumentet e duhura për vlerësimin e kualifikimeve të organit tjetër të autorizuar për vlerësimin e konformitetit si nënkontraktor, organi kombëtar i akreditimit dhe Ministria e Ekonomisë ose ministrinë kompetente për autorizimin dhe njoftimin.

### **Detyrimet e organeve të autorizuar**

#### **Neni 27**

(1) Organet e autorizuar të vlerësimit të konformitetit do të kryejnë vlerësimin e konformitetit në përputhje me procedurat e vlerësimit të konformitetit të parapara në rregulloret teknike në përputhje me këtë ligj.

2) Organet e autorizuar të vlerësimit të konformitetit duhet të kryejnë vlerësimin e konformitetit në mënyrë proporcionale dhe duke marrë parasysh ngarkesat e panevojshme të operatorëve ekonomikë në përputhje me kontratën e lidhur, duke marrë parasysh fushëveprimin e detyrës së ndërmarrë, sektorin në të cilin funksionon, struktura e tij, shkalla e kompleksitetit të teknologjisë konkrete të prodhimit dhe shtrirja ose natyra serike e procesit të prodhimit. Duke vepruar kështu, do të analizojnë nivelin e rrezikut të mundshëm dhe nivelin e nevojshëm të mbrojtjes për të përmbushur kërkesat e produktit me rregulloret teknike të harmonizuara.

(3) Kur organi i autorizuar i vlerësimit të konformitetit zbulon se kërkesat e vërtetuara në rregulloret teknike ose standardet përkatëse të harmonizuara ose specifikimet teknike nuk plotësohen nga prodhuesi, do t'i kërkojë prodhuesit të marrë masat e duhura korrigjuese për të eliminuar moskonformitetin dhe nuk do të lëshojë certificate të konformitetit.

(4) Nëse gjatë kontrolleve të rregullta për konformitetin e produktit me certifikatën e lëshuar, organi i autorizuar për vlerësimin e konformitetit konstaton se produkti nuk është më në përputhje me certifikatën e konformitetit, do t'i kërkojë prodhuesit të marrë masa korrigjuese për të eliminuar mospërputhjen dhe nëse konsideron se masat korrigjuese nuk janë marrë, menjëherë do të revokojë dhe/ose tërheq certifikatën e konformitetit.

(5) Kur masat korrigjuese nuk ndërmerren nga prodhuesi ose nuk arrijnë efektin e konformitetit të plotë të produktit në përputhje me rregulloret teknike, organi i autorizuar mund të kufizojë, revokojë dhe/ose tërheqë certifikatën e konformitetit.

(6) Nëse operatori ekonomik që ka lidhur kontratë me organin e autorizuar të vlerësimit të konformitetit nuk është i kënaqur me vlerësimin e konformitetit të produktit, mund të kontestojë vlerësimin në procedurë në përputhje me ligjin.

### **Detyrimet e organeve të autorizuar për informimin e organit kompetent autorizues**

#### **Neni 28**

(1) Organet e autorizuar të vlerësimit të konformitetit janë të detyruara të informojnë organin kompetent për:

a) çdo refuzim, kufizim, revokim ose tërheqje të certifikatës së akreditimit;

(b) çdo rrethanë që ndikon në fushën dhe kushtet e autorizimit (ndryshimi i regjistrimit, stafi profesional, zonat e akredituara, etj.) që rrjedhin nga ky ligj dhe rregulloret teknike të harmonizuara;

(c) çdo kërkesë për informacion nga organet mbikëqyrëse të tregut në lidhje me aktivitetet e vlerësimit të konformitetit; dhe

(d) aktivitetet e vlerësimit të konformitetit të kryera në kuadrin e autoritetit të tyre dhe çdo aktivitet tjetër të kryer, përfshirë aktivitetet ndërkufitare dhe nënkontraktimin, me kërkesë paraprake të organit kompetent për autorizim dhe njoftim.

(2) Organet e autorizuara të vlerësimit të konformitetit kanë detyrimin të informojnë organet e tjera të vlerësimit të konformitetit që kryejnë aktivitete të vlerësimit të konformitetit të produkteve të njëjta, për pyetje në lidhje me vlerësimet negative dhe me kërkesën e tyre dhe për rezultatet pozitive të vlerësimit të konformitetit për produkte të caktuara.

### **Organet e vlerësimit të konformitetit në përbërje të prodhuesit**

#### **Neni 29**

(1) Organi i vlerësimit të konformitetit brenda prodhuesit duhet të jetë pjesë e veçantë e subjektit dhe mund të shfrytëzohet për të kryer aktivitete të vlerësimit të konformitetit për subjektin në të cilën është organizuar në mënyrë që të kryejë procedura në përputhje me modulet A1, A2, C1 ose C2 të këtij ligji.

(2) Organi brenda prodhuesit duhet të plotësojë kushtet e mëposhtme:

(a) të jetë i akredituar në përputhje me Ligjin e Akreditimit;

(b) personat e përfshirë duhet të jenë të identifikueshëm nga ana organizative dhe të kenë metoda informacioni brenda prodhuesit ku bëjnë pjesë, në mënyrë që të sigurohet paanësia e tyre, e cila duhet të demonstrohet në procesin e akreditimit të kryer nga Trupi kombëtar i akreditimit;

(c) organi, as personat e përfshirë në të, nuk duhet të jenë përgjegjës për projektimin, prodhimin, furnizimin, instalimin, funksionimin ose mirëmbajtjen e produkteve që ata vlerësojnë ose përfshihen në çdo aktivitet që mund të jetë në kundërshtim me pavarësinë e tyre gjatë marrjes e vendimeve ose integritetin në lidhje me aktivitetet e tyre të vlerësimit të konformitetit; dhe

(d) të kryejë shërbimet e tij ekskluzivisht për prodhuesin pjesë e të cilit është.

(3) Organi i akredituar brenda prodhuesit nuk i nënshtrohet procedurës së autorizimit.

(4) Organi i akredituar brenda prodhuesit është i detyruar të informojë organin kompetent për autorizim brenda shtatë ditëve pas procedurës së kryer të akreditimit dhe për çdo ndryshim ose përfundim të fushës së akreditimit.

(5) Ministri i Ekonomisë do të përshkruajë formën dhe përmbajtjen e njoftimit që përmban njoftimin që përmban informacionet që janë evidentuar në certifikatën për akreditim, të lëshuar nga Trupi Kombëtar i Akreditimit, të cilat i referohen organit të akredituar në përbërje të prodhuesit.

### **Akreditimi si parakusht për plotësimin e kushteve për organet**

#### **Neni 30**

(1) Organi i vlerësimit të konformitetit, për të dëshmuar aftësinë, kompetencën, pavarësinë, paanësinë dhe përmbushjen e kërkesave të këtij ligji dhe rregulloreve teknike, do të shfrytëzojë standardet e harmonizuara ose pjesë të tyre që janë në përputhje me skemat sektoriale të akreditimit të përcaktuara nga Trupi kombëtar i akreditimit.

(2) Organi i autorizuar për vlerësimin e konformitetit duhet të jetë palë e tretë e pavarur, përkatësisht duhet të akreditohet si organ inspektues i tipit A në përputhje me standardet për organet inspektuese ose si organ certifikues në përputhje me standardet për certifikimin e produkteve.

(3) Certifikata për akreditimin e organeve është parakusht për plotësimin e kushteve për kryerjen e aktiviteteve për vlerësimin e konformitetit.

## Kapitulli 6

### DOKUMENTET DHE SHENJAT E KONFORMITETIT

#### **Deklarata dhe Certifikata e Konformitetit**

##### Neni 31

(1) Produktet që përputhen me rregulloret teknike të harmonizuara duhet të shoqërohen me deklaratë konformiteti të nënshkruar dhe certifikuar nga prodhuesi.

(2) Duke plotësuar dhe nënshkruar deklaratën e konformitetit, prodhuesi merr përgjegjësinë e plotë për pajtueshmërinë e produktit me të gjitha rregulloret teknike të harmonizuara që i referohen produktit konkret.

(3) Deklarata e konformitetit vërteton që kërkesat thelbësore të rregullores teknike të harmonizuar përkatëse ose të legjislacionit përkatës harmonizues europian për produktin për të cilin është lëshuar deklaratata e konformitetit janë përmbushur.

(4) Me rregulloret teknike të harmonizuara për produkte ose grupe të caktuara produktesh, nëse kërkohet përfshirja e organit të autorizuar ose të njoftuar për vlerësimin e konformitetit, organet e vlerësimit të konformitetit do të lëshojnë certifikata konformiteti në bazë të kërkesës së paraqitur nga prodhuesi ose përfaqësuesi i prodhuesit.

#### **Përmbajtja e deklaratës së konformitetit**

##### Neni 32

Deklarata e Konformitetit e përmendur në nenin 31 të këtij ligji, në veçanti, duhet të përmbajë elementet e mëposhtme:


- 1) identifikimi i qartë i produktit të cilit i referohet;
- 2) emrin dhe adresën e prodhuesit ose përfaqësuesit të tij të autorizuar (lëshuesit të deklaratës);
- 3) deklaratata e konformitetit lëshohet nën përgjegjësinë e vetme të prodhuesit ose instaluesit të pajisjeve në rastet kur kërkohet nga rregullorja teknike;
- 4) lënda e deklaratës me identifikimin e produktit që mundëson gjurmueshmërinë (nëse është e përshtatshme, mund të shfrytëzohet edhe fotografi);
- 5) deklaratë se lënda e deklaratës është në përputhje me rregulloret teknike të harmonizuara përkatëse, përkatësisht legjislacionin përkatës harmonizues europian, që përcakton se në cilat rregullore i referohet konformiteti;
- 6) udhëzues ndaj standardeve përkatëse të harmonizuara ose specifikimeve teknike të përdorura për të arritur konformitetin e deklaruar;
- 7) emrin, selinë dhe numrin identifikues të organit të autorizuar, përkatësisht organi i njoftuar me përkrahje të përfshirjes së tij në procedurat e vlerësimit të konformitetit dhe të dhëna mbi certifikatën e lëshuar të konformitetit, nëse procedurat e konformitetit kërkojnë përfshirjen e organit të pavarur të vlerësimit të konformitetit;
- 8) të dhëna të tjera që janë të rëndësishme për konformitetin e produktit;
- 9) vendi dhe data e lëshimit të deklaratës së konformitetit dhe
- 10) emri dhe mbiemri, funksioni dhe nënshkrimi personal i personit përgjegjës nga lëshuesi i deklaratës së pajtueshmërisë.

#### **CE - shenja e konformitetit**

##### Neni 33

(1) Çdo produkt që përputhet me rregulloret teknike të legjislacionit europian të harmonizimit duhet të shënohet me shenjën CE të konformitetit.

(2) Shenja CE e konformitetit është një shenjë shkronje ‘CE’ me formën e mëposhtme:



(3) Nëse shenja CE zvogëlohet ose rritet, proporcionet e saj duhet të respektohen.

### **Rregullat e vendosjes së CE - shenja e konformitetit**

#### **Neni 34**

(1) Shenja CE do të vendoset vetëm nga prodhuesi ose nga përfaqësuesi i tij i autorizuar.

(2) Shenja CE do të vendoset vetëm në produktet për të cilat vendosja e saj përcaktohet nga legjislacioni harmonizues europian dhe nuk mund të vendoset në asnjë produkt tjetër.

(3) Me vendosjen e shenjës CE, prodhuesi tregon se merr përgjegjësinë për konformitetin e produktit me të gjitha kërkesat e zbatueshme të vërtetuara në legjislacionin përkatës harmonizues europian dhe rregulloret teknike të harmonizuara të miratuara në bazë të legjislacionit të harmonizimit që qeveris procedurën e vendosjes së tij.

(4) Shenja CE do të vendoset në mënyrë të dukshme, të lexueshme dhe të pashlyeshme në produkt ose në pllakën e saj të të dhënave. Kur kjo nuk është e mundur ose nuk justifikohet nga natyra e produktit, ajo vendoset në paketim dhe dokumentet shoqëruese, nëse rregullat e veçanta parashikojnë dokumente të tilla.

(5) Vendosja e shenjave, simboleve, piktogrameve ose mbishkrimeve në produkt që do të çorientojë palët e treta në lidhje me kuptimin ose formën e shënimit CE është e ndaluar. Çdo shenjë tjetër mund t'i vendoset produktit me kusht që shikueshmëria, lexueshmëria dhe rëndësia e shënimit CE të mos zvogëlohet.

### **Njohja e dokumenteve dhe shenjave të konformitetit nga rregulloret teknike të harmonizuara të lëshuara nga jashtë**

#### **Neni 35**

Për produktet e mbuluara nga legjislacioni Europian i harmonizuar dhe ligjet ose rregulloret teknike të miratuara në bazë të harmonizimit të legjislacionit, në Republikën e Maqedonisë së Veriut janë të vlefshme dokumentet e konformitetit të lëshuara nga organi i autorizuar për vlerësimin e konformitetit në Republikën e Maqedonisë së Veriut, organ i njoftuar për vlerësimin e konformitetit në deklaratat e konformitetit të lëshuara nga prodhuesi ose përfaqësuesi i tij i autorizuar i vendosur brenda Bashkimit Europian dhe shenja CE e konformitetit.

### **Shtojca e deklaratës së konformitetit**

#### **Neni 36**

Operatori ekonomik që e vendos produktin në tregun e Republikës së Maqedonisë së Veriut, është i detyruar të paraqesë shtojcë në deklaratën e konformitetit të lëshuar nga prodhuesi, e shkruar në gjuhën maqedonase dhe alfabetin e saj cirilik, si dhe në një gjuhë që e flasin 20% e qytetarëve në territorin e Republikës së Maqedonisë së Veriut, që nuk e përjashton mundësinë e përdorimit të njëkohshëm të gjuhëve tjera, i cili përmban

- 1) identifikimin e qartë të produktit të cilit i referohet;
- 2) emrin dhe adresën e prodhuesit ose përfaqësuesit të tij të autorizuar (lëshuesit të deklaratës);
- 3) emrin dhe adresën e operatorit ekonomik (lëshuesi i shtojcës së deklaratës);
- 4) lënda e deklaratës me identifikimin e produktit që mundëson gjurmueshmërinë (nëse është e përshtatshme, mund të shfrytëzohet fotografi);
- 5) deklaratë se shtojca e deklaratës së konformitetit është lëshuar nën përgjegjësinë e plotë të operatorit ekonomik;
- 6) deklaratë që lënda e deklaratës është në përputhje me rregulloret teknike të harmonizuara përkatëse, përkatësisht legjislacionin përkatës harmonizues europian, që përcakton se në cilat rregullore i referohet konformiteti;
- 7) numërimi i standardeve përkatëse të harmonizuara ose specifikimeve teknike të përdorura për të arritur konformitetin e deklaruar;
- 8) emrin, selinë dhe numrin identifikues të organit të autorizuar ose të njoftuar që ka marrë pjesë në përputhje me të dhënat për dokumentin e lëshuar të konformitetit;
- 9) të dhëna të tjera që janë të rëndësishme për konformitetin e produktit;
- 10) vendi dhe data e lëshimit të shtojcës në deklaratën e konformitetit dhe
- 11) emri dhe mbiemri, funksioni dhe nënshkrimi personal i personit përgjegjës nga lëshuesi i shtojcës së deklaratës së pajtueshmërisë.

### **Parimet e njohjes reciproke të dokumenteve dhe shenjat e konformitetit me origjinë të huaj**

#### Neni 37

(1) Republika e Maqedonisë së Veriut njuh rëndësinë e dokumenteve dhe shenjave për vlerësimin e konformitetit me origjinë të huaj për produktet e mbuluara nga rregulloret teknike, nëse lëshohen në përputhje me marrëveshjet ndërkombëtare të lidhura dhe ratifikuara, gjegjësisht të cilave është aderuar Republika e Maqedonisë së Veriut.

(2) Ministri i Ekonomisë, përkatësisht ministri kompetent për miratimin e rregulloreve teknike, për produktet e përshkruara në rregulloret teknike, mundet, si përjashtim sipas paragrafit (1) të këtij neni, të marrë vendim që njuh rëndësinë e dokumenteve dhe shenjat për vlerësimin e konformitetit me origjinë të huaj, nëse janë plotësuar kushtet e mëposhtme:

- kërkesat e atyre rregulloreve të huaja sigurojnë të paktën të njëjtën shkallë të mbrojtjes së sigurisë dhe shëndetit të njerëzve, mbrojtjen e kafshëve dhe bimëve, mbrojtjen e mjedisit, mbrojtjen e konsumatorëve dhe shfrytëzuesve dhe mbrojtjen e pronës, në lidhje me kërkesat e përcaktuara nga rregulloret teknike të pa harmonizuara,

- dokumentet dhe shenjat për vlerësimin e konformitetit vërtetojnë përputhshmërinë me kërkesat e përcaktuara me rregulloret teknike të pa harmonizuara kombëtare,

- organet teknike të vlerësimit të konformitetit që lëshojnë dokumentet dhe shenjat e vlerësimit të konformitetit nga rreshti 1 i këtij paragrafi plotësojnë kushtet e përcaktuara nga rregulloret teknike të pa harmonizuara.

(3) Aktvendimi për njohjen e vlefshmërisë së dokumenteve dhe shenjave për vlerësimin e konformitetit të përmendur në këtë nen merret pas një vlerësimi teknik paraprak i cili vërteton nëse kërkesat e rregulloreve teknike të huaja për produktin dhe kërkesat për organin e huaj të vlerësimit të konformitetit që ka kryer konformitetin do të sigurojnë të paktën kërkesa të njëjta me ato të vërtetuara në rregulloret teknike të pa harmonizuara.

(4) Procedura për njohjen e vlefshmërisë së dokumenteve dhe shenjave për vlerësimin e konformitetit të produkteve të përmendura në paragrafin (2) të këtij neni përshkruhet në mënyrë më të detajuar nga ministri i Ekonomisë, gjegjësisht ministri kompetent për rregulloret teknike përkatëse.

## Kapitulli 7

### AUTORIZIMI DHE NOTIFIKIMI I ORGANEVE PËR VLERËSIMIN E KONFORMITETIT

#### **Organi kompetent për autorizim dhe njoftim**

##### Neni 38

1) Ministri i Ekonomisë ose ministri kompetent për lëshimin e autorizimit përkatës në përputhje me këtë ligj dhe rregulloren teknike autorizon organin e vlerësimit të konformitetit të kryejë procedurat e vlerësimit të konformitetit, në përputhje me dispozitat e këtij ligji dhe rregulloren teknike.

(2) Organi kompetent për njoftim dhe notifikim në Republikën e Maqedonisë së Veriut është Ministria e Ekonomisë e cila sipas këtij ligji është përgjegjëse për njoftimin dhe notifikimin, si dhe për monitorimin e punës së organeve të autorizuar dhe të notifikuara dhe për zhvillimin e procedurës për njoftimin dhe notifikimin e Komisionit European dhe Shteteve Anëtare të Bashkimit European në lidhje me organet e vlerësimit të konformitetit.

#### **Kërkesë për autorizim**

##### Neni 39

(1) Ministri i Ekonomisë ose ministri kompetent për lëshimin e autorizimit adekuat, në përputhje me këtë ligj dhe rregullën teknike, i autorizon në mënyrë ekskluzive për vlerësimin e konformitetit, që i plotësojnë kushtet e përcaktuara në nenet 19, 20, 21, 22, 23, 24, 25 dhe 26 të këtij ligji dhe kushtet nga rregullat e harmonizuara teknike.

(2) Për të marrë autorizim për ushtrimin e vlerësimit të konformitetit, personat juridikë dorëzojnë kërkesë në Ministrinë e Ekonomisë ose ministrinë kompetente për lëshimin e autorizimit përkatës në përputhje me këtë ligj dhe rregullën teknike që e autorizon organin e vlerësimit të konformitetit për kryerjen e procedurave të vlerësimit të konformitetit në përputhje me dispozitat e këtij ligji dhe rregullën teknike.

(3) Kërkesa sipas paragrafit (2) të këtij neni me dokumentacion shoqërues, mund të paraqitet edhe në formë elektronike duke përdorur mjet elektronik identifikimi nëpërmjet Portalit Kombëtar për shërbime elektronike, ose nëpërmjet ndërmjetësuesit për shërbime administratve në formë elektronike në Ministrinë e Ekonomisë ose Ministrinë kompetente për lëshimin e autorizimit adekuat, në përputhje me rregullat në fushën e menaxhimit elektronik dhe shërbimeve elektronike dhe në fushën e dokumenteve elektronike, identifikimit elektronik dhe shërbimeve konfidenciale.

(4) Bashkë me kërkesën sipas paragrafit (2) të këtij neni, personi juridik duhet të dorëzojë:

1) aktvendim për regjistrim në regjistrin tregtar;

2) dokument për veprimtari të regjistruar;

3) dëshmi të bonitetit pozitiv, kurse për shoqëritë e sapothemeluara- deklaratë nga personi përgjegjës në personin juridik që në afat prej dymbëdhjetë muajve nga dita e lëshimit të aktvendimit për vlerësimin e konformitetit, do të dorëzojë dëshmi për bonitet pozitiv.

4) dëshmi se ka lidhur marrëveshje të sigurimit të përgjegjësishë në përputhje me nenin 23 të këtij ligji;

5) certifikatë të akreditimit, në shtojcë të certifikatës që përmban përshkrim të aktiviteteve dhe fushën e vlerësimit të konformitetit, modulën e vlerësimit të konformitetit ose modulet dhe produktin ose produktet për të cilat organi kërkon autorizim dhe është i akredituar, me të cilin vërtetohet që organi për vlerësimin e konformitetit i plotëson kërkesat e përcaktuara në nenet 19, 20, 21, 22, 23, 24, 25 dhe 26 të këtij ligji, të lëshuar nga Trupi kombëtar për akreditim i Republikës së Maqedonisë së Veriut, respektivisht certifikatat e lëshuara nga shtetet anëtare të Bashkimit European ose vendet candidate për anëtarësim në Bashkimit European nëse organet e tyre të akreditimit në fushën përkatëse janë nënshkruese të marrëveshjes për njohjen e ndërsjellë të akreditimit (MLA), si dëshmi e aftësisë teknike të organit të vlerësimit të konformitetit;

6) dëshmi për stafin e punësuar profesional;

7) dëshmi për pajisje teknike dhe

8) informacione për nënrealizuesin e përfshirë në procesin e konformitetit nga ana e organit që kërkon autorizim.

(5) dëshmitë sipas detyrës zyrtare sipas paragrafit (4) pikat 1), 2), 3), 5) dhe 6) të këtij neni merren nga Ministria e Ekonomisë ose Ministria kompetente për lëshimin e autorizimit adekuat në përputhje me këtë ligj dhe rregullën teknike dhe të dorëzuara në formë elektronike nëpërmjet Platformës Kombëtare për Ndërveprim, në përputhje me rregullat në fushën e menaxhimit elektronik dhe shërbimeve elektronike në afat prej tre ditëve nga dita e parashtrimit të kërkesës nga personi juridik.

(6) Me përjashtim të paragrafeve (3) dhe (5) të këtij neni, dhe në rast të ndërprerjes teknike të funksionimit të Portalit Kombëtar për Shërbime Elektronike ose Platformës Kombëtare për Ndërveprim, kërkesa sipas paragrafit (2) dhe dëshmitë sipas detyrës zyrtare sipas paragrafit (4) pikat 1), 2), 3), 5) dhe 6) të këtij neni në formën e dokumenteve elektronike mund të dorëzohen dhe parashtrihen nëpërmjet dërgesës së kualifikuar elektronike rekomanduese, në përputhje me rregullat e fushës së dokumenteve elektronike, identifikimit elektronik dhe shërbimeve konfidenciale

(7) Forma dhe përmbajtja e kërkesës sipas paragrafit (2) të këtij neni përcaktohet nga ministri i ekonomisë.

## **Procedura e autorizimit**

### **Neni 40**

1) Nëse vërtetohet se me kërkesën sipas nenit 39 paragrafi (2), janë dorëzuar dëshmitë sipas nenit 39 paragrafi (4) i këtij ligji, si dhe se janë plotësuar kushtet sipas neneve 19, 20, 21, 22, 23, 24, 25 dhe 26 të këtij ligji dhe kushtet e veçanta për vlerësimin e konformitetit të përcaktuara në rregullat teknike, ministri i Ekonomisë ose ministri kompetent për lëshimin e autorizimit përkatës në përputhje me këtë ligj dhe rregullën teknike, në afat prej 15 ditësh nga mbledhja e dëshmimeve sipas nenit 39 paragrafi (4) të këtij ligji, miraton aktvendim për autorizimin e personit juridik për kryerjen e vlerësimit të konformitetit.

(2) Nëse kërkesa sipas nenit 39, paragrafi (2) nuk i përmban dëshmitë sipas nenit 39, paragrafi (4) të këtij ligji, ministri i ekonomisë, ose ministri kompetent për lëshimin e autorizimit adekuat, në përputhje me këtë ligj dhe rregullën teknike, i drejtohet parashtruesit, respektivisht personit juridik ta plotësojë kërkesën në afat prej 15 ditësh nga pranimi i njoftimit për nevojën e plotësimit.

(3) Nëse parashtruesi, respektivisht personi juridik nuk e plotëson kërkesën me dëshminë nga 39 paragrafi (4) të këtij ligji, në afatin e caktuar sipas paragrafit (2) të këtij neni, në afat prej shtatë ditësh shtesë, ministri i ekonomisë, ose ministri kompetent për lëshimin e autorizimit adekuat, në përputhje me këtë ligj dhe rregullën teknike, do ta hedh posht kërkesën me aktvendim.

4) Autorizimi duhet të përmbajë emrin dhe selinë e organit të autorizuar për vlerësimin e konformitetit me të dhënat e plota të aktiviteteve të vlerësimit të konformitetit, modulit ose moduleve të vlerësimit të konformitetit, produktit ose produkteve dhe të dhënat e dëshmise adekuate për kompetencë.

(5) Aktvendimet sipas paragrafëve (1) dhe (3) të këtij neni mund të lëshohen në formë të dokumenteve elektronike të cilat dorëzohen në profilin e personit juridik në Portalin Kombëtar për Shërbime Elektronike, në përputhje me rregullat në fushën e menaxhimit elektronik dhe shërbimeve elektronike në fushën e dokumenteve elektronike, identifikimit elektronik dhe shërbimeve konfidenciale.

(6) Kundër aktvendimit sipas paragrafit (3) të këtij neni mund të paraqitet ankesë në afat prej 15 ditësh në Komisionin Shtetëror për vendimmarrje në procedurë administrative dhe procedurë të marrëdhënies së punës në shkallë të dytë.

(7) Ankesa sipas paragrafit (6) të këtij neni nuk e prolongon ekzekutimin e aktvendimit.

(8) Ankesa sipas paragrafit (6) të këtij neni mund të parashtrohet edhe në formë elektronike me anë të mjetit për identifikim elektronik nëpërmjet Portalit Kombëtar për shërbime elektronike, ose nëpërmjet ndërmjetësit për shërbime administrative në mënyrë elektronike në Ministrinë e Ekonomisë ose ministrinë kompetente për lëshimin e autorizimit adekuaat në përputhje me këtë ligj dhe rregullën teknike në përputhje me rregullat teknike në fushën e menaxhimit elektronik dhe shërbimeve elektronike dhe në fushën e dokumenteve elektronike, identifikimit elektronik dhe shërbimeve konfidenciale.

(9) Me përjashtim sipas paragrafit (6) dhe (8) të këtij neni, dhe në rast të ndërprerjes teknike të funksionimit të Portalit Kombëtar për Shërbime Elektronike, aktvendimet sipas paragrafëve (1) dhe (3) të këtij neni mund të dorëzohet nëpërmjet dërgesës elektronike rekomanduese të regjistruar, në përputhje me rregullat në fushën e dokumenteve elektronike, identifikimit elektronik dhe shërbimeve konfidenciale.

### **Regjistri i organeve të autorizuara**

#### **Neni 41**

1) Ministria e Ekonomisë mban regjistër të organeve të autorizuara për vlerësimin e konformitetit dhe në formë elektronike.

(2) Regjistri i organeve të autorizuara duhet të përmbajë të dhëna për:

- emrin, vendin dhe kontaktin e organit të autorizuar për vlerësimin e konformitetit;
- numrin unik identifikues të organit me shenjë shkronje OA-organ i autorizuar i ndjekur nga përcaktimi numerik;
- fushat dhe fushëveprimi i autorizimit sipas rregulloreve teknike të harmonizuara;
- listën e rregulloreve teknike të harmonizuara në bazë të të cilave është lëshuar autorizimi dhe
- të dhëna për lëshimin, tërheqjen dhe kufizimin e autorizimit;

(3) Ministria e Ekonomisë publikon Regjistrin e Organeve të Autorizuara në faqen e saj të internetit, me numrat identifikues të caktuar për to dhe aktivitetet për të cilat janë të autorizuar në pajtim me këtë ligj.

(4) Ministria e Ekonomisë azhurnon vazhdimisht regjistrin e organeve të autorizuara për vlerësimin e konformitetit.

(5) Ministri i Ekonomisë përcakton formën, përmbajtjen dhe mënyrën e mbajtjes së regjistrit të organeve të autorizuara për vlerësimin e konformitetit.

## **Kontrolli i punës së organeve të autorizuara për vlerësimin e konformitetit**

### **Neni 42**

(1) Organi i autorizuar për vlerësimin e konformitetit nga dita e marrjes së vendimit për autorizimin e personit juridik për vlerësimin e konformitetit, është i detyruar të dorëzojë dokumentet e referuara në nenin 39 paragrafi (4) pikat 3), 4), 5) dhe 6) të këtij ligji në Ministrinë e Ekonomisë ose ministrisë kompetente për lëshimin e autorizimit përkatës në përputhje me këtë ligj dhe rregulloren teknike përkatëse.

(2) Ministria e Ekonomisë ose ministria kompetente për lëshimin e autorizimit përkatës në përputhje me këtë ligj dhe rregulloren teknike, do të kontrollojë punën e organeve të autorizuara të vlerësimit të konformitetit rregullisht dhe kur ka dyshime ose njohuri në lidhje me kompetencën e organit të autorizuar, përmbushjen e kërkesave dhe përgjegjësi të organit të autorizuar, të kryera në mënyrë korrekte procedurat e vlerësimit të konformitetit dhe konformitetin e përcaktuar gabimisht të produktit nga organet.

## **Revokimi i aktvendimit të autorizimit**

### **Neni 43**

(1) Nëse përcaktohet se organi i autorizuar për vlerësimin e konformitetit ka pushuar së përmbushuri kushtin e caktuar të këtij ligji ose ndonjë kusht të përcaktuar me rregulloren teknike të harmonizuar përkatëse, si dhe nëse përcaktohet shkelje e rëndë e procedurave të vlerësimit të konformitetit, ministri i Ekonomisë ose ministri kompetent për lëshimin e autorizimit përkatës në përputhje me këtë ligj dhe rregulloren teknike do të revokojë vendimin e autorizimit.

(2) Aktvendimi sipas paragrafit (1) të këtij neni mund të nxirret në formën e një dokumenti elektronik i cili dorëzohet në profilin e personit juridik në Portalin Kombëtar për Shërbimet Elektronike, në përputhje me rregulloret në fushën e menaxhimit elektronik dhe shërbimet elektronike dhe në fushën e dokumenteve elektronike, identifikimin elektronik dhe shërbimet konfidenciale.

(3) Kundër aktvendimit sipas paragrafit (1) të këtij neni mund të parashtrohet ankesë në afat kohor prej 15 ditëve në Komisionin Shtetëror i Vendimmarrjes në Procedurë Administrative dhe në Procedurë të Punësimit në Shkallë të Dytë.

(4) Ankesa sipas paragrafit (3) të këtij neni nuk e shtyn ekzekutimin e aktvendimit.

(5) Ankesa sipas paragrafit (3) të këtij neni mund të parashtrohet edhe në formë elektronike me përdorimin e mjetit për identifikim elektronik nëpërmjet Portalit Kombëtar për shërbime elektronike, ose nëpërmjet ndërmjetësuesit për shërbime administrative në mënyrë elektronike në Ministrinë e Ekonomisë ose ministrinë kompetente për lëshimin e autorizimit adekuat në përputhje me këtë ligj dhe rregullën teknike në përputhje me rregullat teknike në fushën e dokumenteve elektronike, identifikimit elektronik dhe shërbimeve konfidenciale.

(6) Si përjashtim sipas paragrafëve (2) dhe (5) të këtij neni, dhe në rast të ndërprerjes teknike të funksionimit të Portalit Kombëtar për Shërbimet Elektronike, aktvendimi sipas paragrafit (1) dhe ankesa sipas paragrafit (3) të këtij neni në formë të dokumentit elektronik mund të paraqiten dhe dorëzohen nëpërmjet dorëzimit të regjistruar elektronik të kualifikuar në adresën elektronike të organit kompetent vendimmarrës në shkallën e dytë, pra personit juridik, në përputhje me rregulloret në fushën e dokumenteve elektronike, identifikimin elektronik dhe shërbimet konfidenciale.

(7) Për heqjen e autorizimit sipas paragrafit (1) të këtij neni, organi kompetent për autorizim dhe njoftim bën ndryshime në regjistër.

(8) Në rastin e përmendur në paragrafin (1) të këtij neni, autoriteti kompetent për njoftim dhe notifikim ndërmer masat e duhura për një organ tjetër të autorizuar të vlerësimit të konformitetit për të marrë përsipër lëndët e organit autorizimi i të cilit është tërhequr në mënyrë që artikujt të jenë gjithmonë në dispozicion të autoriteteve të mbikëqyrjes së tregut me kërkesën e tyre.

(9) Shpenzimet për marrjen përsipër të rasteve do të përballohen nga organi i autorizuar i vlerësimit të konformitetit, vendimi i të cilit për autorizimin është revokuar.

(10) Ministri i Ekonomisë do të informojë Komisionin Europian për miratimin e aktvendimit të përmendur në paragrafin (1) të këtij neni, në rast se organi i autorizuar për vlerësimin e konformitetit është njoftuar nga Ministria e Ekonomisë.

### **Procedura e notifikimit**

#### **Neni 44**

1) Me aderimin e Republikës së Maqedonisë së Veriut në Bashkimin Europian ose duke nënshkruar një protokoll të përshtatshëm që mundëson njoftimin për marrjen e autoritetit të organeve të vlerësimit të konformitetit dhe njoftimin e organeve të vlerësimit të konformitetit në Komisionin Europian, Organet e autorizuar të vlerësimit të konformitetit konsiderohen si organe të notifikuara në Komisionin Europian dhe shtetet anëtare të Bashkimit Europian.

(2) Qeveria e Republikës së Maqedonisë së Veriut do të përshkruajë mënyrën e njoftimit për marrjen e autorizimit të organeve të vlerësimit të konformitetit dhe mënyrën e njoftimit të organeve të vlerësimit të konformitetit me kërkesën e tyre Komisionit Europian dhe shteteve anëtare të Bashkimit Europian.

### **Kapitulli 8**

#### **EVIDENCAT DHE NJOFTIMET**

##### **Mbajtja e evidencave**

#### **Neni 45**

(1) Ministria e Ekonomisë si regjistra të arritshme publike i mbanedhe në formë elektronike dhe i publikon në faqen e saj të internetit regjistrat e mëposhtëm:

- 1) Regjistri i rregulloreve teknike të vlefshme dhe
- 2) Regjistri i rregulloreve teknike në përgatitje.

(2) Forma, përmbajtja dhe mënyra e mbajtjes së regjistrave sipas paragrafit (1) të këtij neni përcaktohen nga Ministri i Ekonomisë.

##### **Njoftimet dhe shkëmbimet e informacioneve**

#### **Neni 46**

(1) Të dhënat në dispozicion të organeve mbikëqyrëse të tregut, të cilat lidhen me rreziqet për shëndetin dhe sigurinë e konsumatorëve të shkaktuara nga produktet, janë publike, në përputhje me parimin e transparencës.

(2) Organet e mbikëqyrjes së tregut janë të detyruara të vënë në dispozicion informacionin që përshkruan në detaje produktin specifik, llojet e rrezikut në lidhje me aplikimin e tij, si dhe masat e miratuara.

(3) Si përjashtim sipas paragrafit (2) të këtij neni, vetëm të dhënat nuk janë publike të cilat, në përputhje me rregulloret për informacionin e klasifikuar, nuk mund të publikohen.

(4) Sekret i biznesit, në kuptimin e këtij ligji, nuk mund të jetë informacion që lidhet me vetitë e sigurisë së produkteve që duhet t'i jenë të arritshme opinionit, në mënyrë që të mbrojnë shëndetin dhe sigurinë e konsumatorëve dhe përdoruesve të produkteve dhe interesin publik.

### **Shkëmbimi i informacioneve**

#### **Neni 47**

Shkëmbimi i informacioneve bëhet nëpërmjet sistemit të informacionit të shpejtë për produktet që paraqesin rrezik serioz dhe parimet e bashkëpunimit midis Republikës së Maqedonisë së Veriut, shteteve anëtare të Bashkimit Europian dhe Komisionit Europian, dhe kryhet në përputhje me Ligjin e Mbikëqyrjes së Tregut dhe Ligjin e Sigurisë së Përgjithshme të Produkteve.

### **Kapitulli 9**

## **МБИКËQYRJA**

### **Mbikëqyrja**

#### **Neni 48**

(1) Mbikëqyrja mbi zbatimin e dispozitave të këtij ligji dhe rregulloret teknike të miratuara në bazë të këtij ligji do të bëhet nga Ministria e Ekonomisë, gjegjësisht Ministrinë në kompetencën e të cilave është miratimi i rregulloreve të veçanta teknike.

(2) Mbikëqyrja inspektuese mbi zbatimin e dispozitave të këtij ligji që u referohen produkteve nga rregulloret teknike të harmonizuara dhe dispozitave të atyre rregulloreve teknike kryhet nga:

- Inspektoriat i shtetëror i tregut
- Inspektorati shtetëror për inspektim teknik për produktet që mbulohen nga rregulloret teknike të harmonizuara për ashensorët dhe pajisjet e sigurisë për ashensorët; pajisje të qëndrueshme dhe të lëvizshme nën presion; pajisje sigurie për pajisjet nën presion; pajisjet dhe sistemet e mbrojtjes të projektuara në atmosfera potencialisht shpërthyes; pajisje elektrike, teleferikë dhe ashensorë skish, si dhe për makina që i përkasin grupit të makinave të ndërtimit dhe minierave, vinça, ngritës, pajisje për ngritjen e ngarkesave dhe/ose personave;
- Inspektorati shtetëror, sanitar dhe shëndetësor për sigurinë e lodrave dhe objekteve të fëmijëve për përdorim të përgjithshëm;
- Inspektorati shtetëror për mjedisin jetësor për përdorimin e substancave të dëmshme në pajisjet elektrike dhe elektronike;

- Shërbimet e inspektimit të organizuara nga Ministria e Transportit dhe e Lidhjeve për objektet lundruese dhe pajisjet rekreative dhe personale lundruese;

- Shërbimet e inspektimit të organizuara nga Ministria e Shëndetësisë për pajisjet mjekësore, produktet mjekësore për nevojën tek njerëzit dhe për produktet mjekësore të destinuara për diagnostifikim in-vitro;

(3) Në mbikëqyrjen e tregut mbi zbatimin e dispozitave të këtij ligji dhe rregulloreve të nxjerra në bazë të këtij ligji, kryejnë edhe organet e tjera të mbikëqyrjes së tregut dhe në kuadër të objektit të mbikëqyrjes së tyre të rregulluar me rregullat e veçanta (në tekstin e mëtejme: inspektorët kompetentë ose personat e autorizuar). për të kryer mbikëqyrjen) edhe atë:

- personat e punësuar në shërbimin profesional të Agjencisë së Komunikimeve Elektronike, të cilët janë të autorizuar për këtë nga drejtori i Agjencisë (personi i autorizuar) dhe

- punëtorët e autorizuar të Byrosë për metrologji për ushtrimin e detyrave dhe punëve të mbikëqyrjes inspektuese matësat dhe peshoret jo-automatike.

(4) Në procedurat e inspektimit zbatohen dispozitat e Ligjit për inspektim, përveç nëse me këtë ligj është përcaktuar ndryshe.

(5) Koordinimi i mbikëqyrjes së tregut për produktet nga rregulloret e harmonizuara teknike që vendosen në tregun e Republikës së Maqedonisë së Veriut, kontrolli i produkteve që hyjnë në treg, mbikëqyrja e aplikimit dhe parimet e përgjithshme të shënimit CE , obligimet e organeve të mbikëqyrjes së tregut, masat për kryerjen e mbikëqyrjes së tregut kryhen në përputhje me Ligjin për mbikëqyrjen e tregut.

### **Kompetenca gjatë mbikëqyrjes inspektuese**

#### Neni 49

Organet kompetente të inspektimit, përveç autorizimeve të përcaktuara me një ligj tjetër, në bazë të këtij ligji kanë këto autorizime:

- të kërkojnë nga operatorët ekonomikë të gjithë informacionin dhe të kryejnë kontroll në dokumentet për konformitetin e produktit dhe dokumentacionit teknik;

- të ndërmarrin ose organizojnë, edhe kur produkti të këtij ligji vendoset në treg si i pajtueshëm, kontrole të përshtatshme për pajtueshmërinë e tij me kërkesat e rregulloreve teknike;

- të kontrollojnë nëse inspektimet teknike të përshtatshme janë kryer si pjesë e masave të sigurisë së produktit gjatëafatit të përdorimit;

- të urdhërojnë eliminimin e mospërputhjes brenda një afati të caktuar;

- të urdhërojnë që produktet të shënohen me shenjat e përshtatshme të konformitetit, dhe shenjat e paligjshme të hiqen;

- të kufizojnë ose ndalojnë vendosjen në treg të produktit dhe të zbatojnë masa shtesë në përputhje me ligjin, të cilat do të sigurojnë që kufizimi ose ndalimi të zbatohet;

- të urdhërojnë tërheqjen ose kthimin e produkteve që nuk janë në përputhje me kërkesat e rregullave teknike dhe me dispozitat e këtij ligji;

- të urdhërojnë shkatërrimin e produkteve që nuk përputhen me kërkesat e përcaktuara, nëse është e nevojshme për mbrojtjen e shëndetit dhe sigurisë së konsumatorëve dhe përdoruesve të tjerë dhe mbrojtjen e mjedisit jetësor dhe natyrës, dhe

- të inspektojnë ambientet dhe objektet e operatorëve ekonomikë

### **Masat për produktet e përfshira nga ky ligj**

#### Neni 50

(1) Nëse gjatë ushtrimit të mbikëqyrjes inspektuese të operatorët ekonomikë dhe produktet e tyre, inspektori përcakton mosrespektimin e dispozitave të këtij ligji dhe rregullave teknike, do të sjellë aktvendim me të cilin do të:

a) urdhërojnë:

- heqjen e mospërputhjeve të identifikuara duke përcaktuar një afat për heqjen e tyre;

- shënimi i produkteve me shenjat e përshtatshme ose heqja e shenjave të paligjshme;

- shkatërrimin e produkteve që nuk përputhen, nëse është e nevojshme për mbrojtjen e shëndetit dhe sigurisë së njerëzve dhe mbrojtjen e mjedisit jetësor dhe natyrës; dhe

- tërheqja nga tregu e produkteve që nuk përputhen.

b) ndalimet:

- vendosja në treg ose kufizimi i tregut me produkte që nuk përputhen;

- vënia në përdorim ose kufizimi i përdorimit të produkteve që nuk përputhen;

- përkohësisht çdo furnizim, furnizim ose ekspozim i produkteve, derisa të bëhen kontrollet e duhura, dhe

- përdorimi i produkteve që nuk përputhen.

(2) Nëse ka dëshmi se pavarësisht harmonizimit të produktit me dispozitat e këtij ligji dhe rregulat teknike, produkti rrezikon sigurinë dhe shëndetin e njerëzve, inspektorët kompetent janë të detyruar të miratojnë masa në përputhje me paragrafin (1) të këtij neni, i cili mund të kufizojë plasimin e produktit në treg, gjegjësisht të përcaktojë tërheqjen e tij nga tregu ose kthim të produktit.

(3) Inspektorët kompetentë ose personat e autorizuar për kryerjen e mbikëqyrjes gjatë ndërmarrjes së masave me sjelljen e aktvendimit, janë të obliguar të veprojnë në atë mënyrë që masat e tyre të jenë proporcionale në raport me seriozitetin e rrezikut, dhe në masë më të madhe të mundshme të respektohet parimi i kujdesit dhe rreziqeve indirekte dhe të drejtpërdrejta për shëndetin dhe sigurinë e konsumatorëve dhe përdoruesve tjerë të produktit.

### **Procedura për përballje me produkte që paraqesin rrezik në nivel kombëtar**

#### **Neni 51**

(1) Kur organet kompetente të mbikëqyrjes së tregut kanë arsye të mjaftueshme për të besuar se produktet e mbuluara nga ky ligj dhe rregulloret teknike të këtij ligji paraqesin rrezik për shëndetin ose sigurinë e personave ose për aspekte të tjera të mbrojtjes së interesit publik, ata do të marrin masa dhe do të kryejnë vlerësimin në lidhje me produktin në fjalë, i cili mbulon të gjitha kërkesat përkatëse të përcaktuara në këtë ligj dhe rregulloren teknike përkatëse.

Operatorët përkatës ekonomikë duhet të bashkëpunojnë me autoritetet e mbikëqyrjes së tregut.

Kur, gjatë atij vlerësimi, autoritetet kompetente të mbikëqyrjes së tregut përcaktojnë se produkti nuk është në përputhje me kërkesat e përcaktuara në këtë ligj dhe rregulloret teknike të zbatueshme, ata, pa vonesë, do t'i kërkojnë operatorit ekonomik përkatës që të ndërmarrë të gjitha veprimet e duhura korrigjuese për për të qenë në përputhje me kërkesat e produktit, për të tërhequr produktin nga tregu ose për të bërë një kthim, të gjitha brenda një kohe të arsyeshme, domethënë një periudhe në përpjesëtim me natyrën e rrezikut, siç është përshkruar.

(2) Operatori ekonomik duhet të marrë të gjitha masat e duhura korrigjuese në lidhje me të gjitha produktet e prekura që vendosen ose vihen në dispozicion në tregun e Republikës së Maqedonisë së Veriut dhe në tregun e BE.

(3) Kur operatori ekonomik nuk ndërmerr veprime korrigjuese të përshtatshme për të harmonizuar produktin me këto kërkesa brenda periudhës së përmendur në paragrafin (1) të këtij neni, autoritetet kompetente të mbikëqyrjes së tregut do të marrin të gjitha masat e duhura ligjore për të ndaluar ose kufizuar disponueshmërinë e produktit në treg, për të tërhequr produktin ose për ta kthyer produktin.

(4) Informacion për masat e ndërmarrja në pajtim me paragrafin (3) të këtij neni duhet të përfshijë të gjitha detajet e disponueshme, veçanërisht të dhënat e nevojshme për të identifikuar produktin që nuk përputhet, origjinën e tij, natyrën e mospërputhjes dhe rrezikun që ai paraqet, natyra dhe kohëzgjatja e masave kombëtare dhe argumentet e parashtruara nga operatorët ekonomikë përkatës. Në veçanti, autoritetet mbikëqyrëse të tregut duhet të tregojnë nëse mospërputhja është për shkak të si në vijim:

(a) mospërputhja e produktit me kërkesat thelbësore të shëndetit dhe sigurisë të këtij ligji dhe rregulloreve teknike përkatëse dhe legjislacionit përkatës të harmonizuar europian ose

(b) mangësitë në standardet e harmonizuara që mundësojnë prezumimin e konformitetit.

(5) Autoritetet kompetente të mbikëqyrjes së tregut do të informojnë në mënyrë adekuate organet përkatëse të autorizuar dhe të notifikuar.

(6) Organet kompetente për mbikëqyrjen e tregut do të informojnë Komisionin Europian dhe shtetet e tjera anëtare të Bashkimit Europian, në përputhje me paragrafin (4) të këtij neni dhe në përputhje me rregulloret që rregullojnë këtë fushë.

(7) Kur autoritetet kompetente të mbikëqyrjes së tregut konsiderojnë se mospërputhja nuk është e kufizuar vetëm në territorin e Republikës së Maqedonisë së Veriut, ata do të informojnë Komisionin Europian dhe shtetet e tjera anëtare të Bashkimit Europian për rezultatet e vlerësimit dhe aktivitetet që do të ndërmerren nga operatorët ekonomikë.

### **Përshatja e produkteve që paraqesin rrezik për shëndetin dhe sigurinë**

#### **Neni 52**

(1) Kur pas kryerjes së vlerësimit në përputhje me nenin 51 paragrafi (1) të këtij ligji, konsiderohet se edhe pse produkti është në përputhje me këtë ligj dhe rregulloren teknike përkatëse ose me legjislacionin e harmonizuar europian për atë produkt, paraqet rrezik shëndetësor ose siguri të personave ose aspekt tjetër të mbrojtjes së interesit publik, operatori ekonomik përkatës duhet të ndërmarrë të gjitha veprimet e duhura korrigjuese për ta sjellë produktin në përputhje me këto kërkesa për të siguruar që produkti në fjalë nuk paraqet më rrezik, tërheq produktin ose bën një kthim brenda një kohe të arsyeshme në përpjesëtim me natyrën e rrezikut dhe e cila jepet nga autoritetet kompetente.

(2) Operatori ekonomik duhet të sigurojë që janë ndërmarrë masat e duhura korrigjuese në lidhje me të gjitha produktet e vendosura ose të vëna në dispozicion në tregun e Republikës së Maqedonisë së Veriut dhe në tregun e Bashkimit Europian.

### **Mosrespektimi formal**

#### **Neni 53**

(1) Pavarësisht nga procedurat e përmendura në nenin 51 të këtij ligji, kur organi kompetent i mbikëqyrjes së tregut do të konstatojë një nga gjetjet e përmendura në këtë paragraf, do të kërkojë nga operatorët relevant ekonomik që t'i eliminojnë ato mospërputhje, nëse:

- (a) shenja e konformitetit është në kundërshtim me rregulloret që rregullojnë vendosjen e saj;
- (b) shenja e konformitetit nuk është vendosur;
- (c) deklarata e konformitetit nuk është e shkruar;
- (ç) deklarata e konformitetit nuk është shkruar siç duhet; dhe
- (d) dokumentacioni teknik nuk është i disponueshëm ose është i pa kompletuar.

(2) Kur vazhdon mospërputhja me paragrafin (1), organet mbikëqyrëse të tregut do të marrin të gjitha masat e duhura për të kufizuar ose ndaluar ose kufizuar disponueshmërinë e produktit në treg, ose mund të urdhërojnë që produkti të kthehet ose të tërhiqet nga tregu.

### **Vërejtje dhe aktvendim**

#### **Neni 54**

(1) Nëse gjatë mbikëqyrjes inspektuese, inspektori kompetent të operatori ekonomik konstaton parregullsi dhe mangësi në përputhje me nenet 50, 51, 52 dhe 53 të këtij ligji, me aktvendim do të shqiptojë masë inspektuese dhe do të përcaktojë afat në të cilin ai detyrohet t'i largojë parregullsitë dhe mangësitë e konstatuara në procesberbal.

(2) Me përjashtim sipas paragrafit (1) të këtij neni, në rast se inspektori vlerëson se parregullsitë dhe mangësitë e konstatuara mund të shkaktojnë ose shkaktojnë rrezik të drejtpërdrejtë për jetën dhe shëndetin e njerëzve ose dëm financiar të pronës me vlerë më të madhe ose vënies në rrezik të mjedisit jetësor, ose rrezikim të interesit publik, me aktvendim

shqipton masë tjetër inspektuese, si urdhër në përputhje me nenin 50 paragrafi (1) pika a), ndalesë në përputhje me nenin 50 paragrafi (1) pika b), të kryejë kthim të produktit në pajtim me nenin 52 paragrafi (1) dhe nenin 53 paragrafi (2) dhe masë tjetër, nëse përcaktohet me këtë ligj, me të ciën më së miri do ta realizohet qëllimi i inspektimit.

(3) Kur gjatë mbikëqyrjes inspektuese nuk konstatohen parregullsi dhe shkelje të tjera të dispozitave të këtij ligji dhe rregullave teknike ose parregullsitë e konstatuara janë menjanuar gjatë kontrollit ose në afatin e përcaktuar me aktvendimin sipas paragrafit (1) të këtij neni, inspektori e ndërpret procedurën me konstatim në procesverbal.

4) Me përjashtim sipas paragrafëve (2) dhe (3) të këtij neni, inspektori mund të shqiptojë masë inspektimi me aktvendim gojor të shënuar në procesverbal

(5) Në rastin sipas paragrafit (2) të këtij neni, inspektori është i obliguar menjëherë, e më së voni tetë ditë nga përpilimi i procesverbalit, të sjell aktvendim me shkrim për shqiptimin e masës së inspektimit.

(6) Kundër aktvendimit sipas paragrafëve (1) dhe (2) të këtij neni, mund të paraqitet ankesë në afat prej 15 ditësh nga pranimi i aktvendimit, te organi kompetent për të vendimmarrje në shkallë të dytë, në pajtim me ligjin.

(7) Ankesa sipas paragrafit (6) të këtij neni mund të parashtrohet edhe në formë elektronike me përdorim të mjetit për identifikim elektronik nëpërmjet Portalit Kombëtar për Shërbime Elektronike ose ndërmjetësuesit për shërbime administrative në mënyrë elektronike në Inspektorat, në përputhje me rregullat në fushën e menaxhimit elektronik dhe shërbimeve elektronike dhe në fushën e dokumenteve elektronike, identifikimit elektronik dhe shërbimeve konfidenciale.

(8) Me përjashtim sipas paragrafit (7) të këtij neni, dhe në rast të ndërprerjes teknike të funksionimit të Portalit Kombëtar për Shërbime Elektronike, ankesa sipas paragrafit (7) të këtij neni, në formë elektronike mund të dorëzohet nëpërmjet dërgesës së kualifikuar elektronike të rekomanduar në adresën elektronike të organit kompetent vendimmarrje në shkallë të dytë, në përputhje me rregullat në fushën e dokumenteve elektronike, identifikimit elektronik dhe shërbimeve konfidenciale.

(9) Ankesa nuk e prolongon ekzekutimin e aktvendimit sipas paragrafëve (1) dhe (2) të këtij neni.

(10) Inspektorati mban evidencë për vërejtjet e shqiptuara sipas paragrafit (1) të këtij neni.

(11) Formën dhe përmbajtjen e evidencës për vërejtjet e shqiptuara sipas paragrafit (10) të këtij neni, i përcakton ministri i Ekonomisë.

## Kapitulli 10

### DISPOZITAT PËR KUNDËRVAJTJE

#### **Kundërvajtje dhe gjobat për operatorët ekonomikë**

##### Neni 55

(1) Gjobë në vlerë prej 500 euro deri në 1,000 euro në kundërvlerë denari do të shqiptohet për kundërvajtje ndaj personit juridik, i cili është mikrotregtar, nëse:

1) në kundërshtim me nenin 3 të këtij ligji, vendos në treg produkte që nuk përputhen me kërkesat e përcaktuara të rregullores teknike;

2) në kundërshtim me nenet 10, 12 dhe 13 të këtij ligji, e vendos produktin në treg dhe nuk i përmbush detyrimet nga ky ligj dhe rregulloret teknike;

3) tregon produktet që nuk janë në përputhje me kërkesat e përshkruara të përcaktuara në rregulloret teknike, me shenja të konformitetit ose shenja të tjera të cilat janë të ngjashme me shenjat e konformitetit në masën që mund të mashtrojnë konsumatorët;

4) për produktet nuk kryen vlerësimin e konformitetit sipas kërkesave të përcaktuara të përcaktuara në rregulloret teknike;

5) nuk ka lëshuar dhe/ose ofruar dokument konformiteti për produktet;

6) nuk përgatit dokumentacionin teknik për produktet me formë dhe përmbajtje të përcaktuar dhe nuk e mban atë në mënyrën dhe kohëzgjatjen e përcaktuar;

7) vendos në treg produkte që nuk janë shënuar në mënyrën e përcaktuar me shenja të konformitetit dhe që nuk shoqërohen me dokumente konformiteti të përcaktuara në këtë ligj dhe rregulloret teknike;

8) nuk dorëzon të dhënat identifikuese të operatorëve ekonomikë tek organi kompetent i inspektimit në përputhje me nenin 15 të këtij ligji;

9) nuk dorëzon të gjithë informacionin e nevojshëm mbi konformitetin e produktit, dokumentacionin teknik dhe dokumentet e konformitetit me kërkesë të organit kompetent të inspektimit;

10) pengon marrjen e mostrave të nevojshme nga inspektorati kompetent për shkak të testeve laboratorike dhe

11) nuk vepron në përputhje me masat e përmendura në nenin 52 paragrafi (1) të nxjerra nga organet kompetente të inspektimit.

(2) Gjobë në vlerë prej 1.000 deri në 2.000 euro në kundërvlerë denari do t'i shqiptohet personit juridik që është tregtar i vogël për kundërvajtje sipas paragrafit (1) të këtij neni.

(3) Gjobë në vlerë prej 2.000 deri në 5.000 euro në kundërvlerë denari do t'i shqiptohet personit juridik që është tregtar i mesëm për kundërvajtjen sipas paragrafit (1) të këtij neni.

(4) Gjobë në vlerë prej 5.000 deri në 10.000 euro në kundërvlerë denari do t'i shqiptohet personit juridik që është tregtar i madh për kundërvajtjen sipas paragrafit (1) të këtij neni.

(5) Gjobë në vlerë prej 150 euro në kundërvlerë denari, i shqiptohet personit përgjegjës në personin juridik që është mikro -tregtar për kundërvajtje sipas paragrafit (1) të këtij neni.

(6) Gjobë në vlerë prej 250 euro në kundërvlerë denari, i shqiptohet personit përgjegjës në personin juridik që është tregtar i vogël për kundërvajtje sipas paragrafit (1) të këtij neni.

(7) Gjobë në vlerë prej 350 euro në kundërvlerë denari, i shqiptohet personit përgjegjës në personin juridik që është tregtar i mesëm për kundërvajtje sipas paragrafit (1) të këtij neni.

(8) Gjobë në vlerë prej 500 euro në kundërvlerë denari, i shqiptohet personit përgjegjës në personin juridik që është tregtar i madh për kundërvajtje sipas paragrafit (1) të këtij neni.

(9) Gjobë në vlerë prej 50 euro në kundërvlerë denari do t'i shqiptohet personit fizik ose pronari të vetëm për kundërvajtjen sipas paragrafit (1) të këtij neni.

(10) Për kundërvajtjet sipas paragrafëve (1), (5) dhe (9) të këtij neni, zhvillohet një procedurë kundërvajtëse dhe vendoset sanksion kundërvajtës nga Ministria e Ekonomisë, nëpërmjet komisionit për vendosjen e kundërvajtjeve

(11) Për kundërvajtjet e përmendura në paragrafët (2), (3), (4), (6), (7) dhe (8) të këtij neni, zhvillohet procedurë kundërvajtjeje dhe vendoset sanksion kundërvajtës nga gjykata kompetente.

### **Kundërvajtjet dhe gjobat për pjesëmarrësit në vlerësimin e konformitetit**

#### **Neni 56**

(1) Gjobë në vlerë prej 500 deri në 1,000 euro në kundërvlerë denari do të shqiptohet për kundërvajtje ndaj personit juridik, i cili është mikrotregtar, nëse:

1) në kundërshtim me këtë ligj, kryen veprimtaritë që lidhen me vlerësimin e konformitetit

2) nuk dorëzon të gjithë informacionin e nevojshëm mbi procedurat e zbatuara për vlerësimin e konformitetit të produktit, me kërkesë të organit kompetent të inspektimit.

(2) Gjobë në vlerë prej 2,000 deri në 6,000 euro në kundërvlerë denari do t'i shqiptohet personit juridik që është tregtar i vogël për kundërvajtjen sipas paragrafit (1) të këtij neni.

(3) Gjobë në vlerë prej 3,000 deri në 9,000 euro në kundërvlerë denari do t'i shqiptohet personit juridik që është tregtar i mesëm për kundërvajtjen sipas paragrafit (1) të këtij neni.

(4) Gjobë në vlerë prej 6,000 deri në 20,000 euro në kundërvlerë denari do t'i shqiptohet personit juridik që është tregtar i madh për kundërvajtjen sipas paragrafit (1) të këtij neni.

(5) Gjobë në vlerë prej 150 euro në kundërvlerë denari, i shqiptohet personit përgjegjës në personin juridik që është mikro -tregtar për kundërvajtje sipas paragrafit (1) të këtij neni.

(6) Gjobë në vlerë prej 250 euro në kundërvlerë denari, i shqiptohet personit përgjegjës në personin juridik që është tregtar i vogël për kundërvajtje sipas paragrafit (1) të këtij neni.

(7) Gjobë në vlerë prej 350 euro në kundërvlerë denari, i shqiptohet personit përgjegjës në personin juridik që është tregtar i mesëm për kundërvajtje sipas paragrafit (1) të këtij neni.

(8) Gjobë në shumë prej 500 euro në kundërvlerë denari, i shqiptohet personit përgjegjës në personin juridik që është tregtar i madh për kundërvajtje sipas paragrafit (1) të këtij neni.

(9) Gjobë në vlerë prej 50 euro në kundërvlerë me denarë do t'i shqiptohet personit fizik ose pronarit të vetëm për kundërvajtjen sipas paragrafit (1) të këtij neni.

(10) Për kundërvajtjet sipas paragrafëve (1), (5) dhe (9) të këtij neni, zhvillohet procedurë kundërvajtëse dhe vendoset sanksion kundërvajtës nga Ministria e Ekonomisë, nëpërmjet komisionit për vendosjen e kundërvajtjeve.

(11) Për kundërvajtjet e përmendura në paragrafët (2), (3), (4), (6), (7) dhe (8) të këtij neni, zhvillohet procedurë kundërvajtjeje dhe vendoset sanksion kundërvajtës nga gjykata kompetente.

### **Përfundime nga nisja e procedurës për kundërvajtje**

#### **Neni 57**

Nëse inspektori përgjegjës vërteton se produktin që operatori ekonomik e plasoi në treg ose e bën të qasshëm në treg

- është pa shenja ose është shënjësuar në mënyrë jo të rregullt;

- nuk shoqërohet me dokumentet e nevojshme të konformitetit ose dokumentet nuk janë të qasshme për momentin ose

- nuk shoqërohet me udhëzimet e nevojshme për siguri,

nuk do të fillojë procedurë për kundërvajtje vetëm nëse operatori ekonomik i heq parregullsitë e vërtetura brenda afatit të përcaktuar me aktvendim të inspektorit dhe nëse operatori ekonomik e kryen për herë të parë kundërvajtjen.

### **Sanksione dhe masa të veçanta për kundërvajtje**

#### **Neni 58**

(1) Për kundërvajtjet sipas nenit 55 të këtij ligji, të cilat kryhen me qëllim që autori të përfitojë dobi pronësore për veten e tij ose për person tjetër ose kundërvajtja është kryer nga grup i organizuar personash ose gjatë vitit kalendarik autori e përsëritë kundërvajtjen, gjykata kompetente mund të shqiptojë gjobë në vlerë prej 10.000 eurove, me kundërvlerë denari.

(2) Për kundërvajtjet sipas nenit 55 dhe neni 56 të këtij ligji, kur ekziston rreziku që kundërvajtja të përsëritet, personit juridik do t'i shqiptohet sanksion për kundërvajtje - ndalesë e përkohshme për ushtrimin e veprimtarisë së caktuar në kohëzgjatje prej dy viteve.

(3) Për kundërvajtjet sipas neneve 57 dhe 58 të këtij ligji, personit përgjegjës në personin juridik, personit fizik, respektivisht tregtarit të vetëm, i shqiptohet edhe sanksion për kundërvajtje për ushtrimin e profesionit, aktivitetit ose detyrës në kohëzgjatje deri në një vit.

(4) Kur me kundërvajtjet sipas neneve 57 dhe 58 të këtij ligji, autori përvetëson dobi pronësore, gjykata do të konfiskojë edhe dobinë pronësore të realizuar me kryerje të kundërvajtjes.

### **Procedura për lëshimin e urdhërpagesës për kundërvajtje**

#### **Neni 59**

(1) Për kundërvajtjet sipas nenit 55 dhe neni 56 të këtij ligji, inspektori përgjegjës, autorëve të kundërvajtjes do t'u lëshojë urdhërpagesë për kundërvajtje, në përputhje me dispozitat e Ligjit të Kundërvajtjeve dhe këtij ligji.

(2) Inspektorati përgjegjës mban evidencë për urdhërpagesat e lëshuara për kundërvajtje dhe për rezultatin e procedurave për lëshimin e urdhërpagesës për kundërvajtje, në pajtim me dispozitat e Ligjit të Kundërvajtjeve.

### **Zbatimi adekuat i rregullave për kundërvajtje**

#### **Neni 60**

Në lidhje me matjen e sanksioneve për kundërvajtje dhe çështjeve tjera, që nuk janë të rregulluara me dispozitat e këtij kapitulli, në mënyrë adekuate zbatohet Ligj të Kundërvajtjeve

### **Kapitulli 11**

#### **DISPOZITAT KALIMTARE DHE PËRFUNDIMTARE DISPOZITAT KALIMTARE**

#### **Neni 61**

Procedurat që janë filluar në përputhje me Ligjin e Sigurisë së Produkteve (Gazeta Zyrtare e Republikës së Maqedonisë nr. 33/06, 63/07, 24/11, 51/11, 148/11, 164/13, 152/15, 53 /16 dhe 140/18), deri në ditën e hyrjes në fuqi të këtij ligji, do të përfundojnë në përputhje me ligjin sipas të cilit kanë filluar.

### **Harmonizim i organeve për vlerësim të konformitetit**

#### **Neni 62**

(1) Deri në miratimin e rregullave teknike me të cilat rregullohen kërkesat shtesë të cilat duhet t'i plotësojnë organet e autorizuar për vlerësimin e konformitetit, vlerësimin i konformitetit të produkteve në përputhje me këtë ligji mund ta kryejnë edhe organet e vlerësimit të konformitetit që janë të autorizuar, deri në ditën e hyrjes në fuqi të këtij ligji, në bazë të Ligjit të Sigurisë së Produkteve (Gazeta Zyrtare e Republikës së Maqedonisë nr. 33/06, 63/07, 24/11, 51/11, 148/11, 164/13, 152/15, 53/16 dhe 140/18).

(2) Organet e autorizuar për vlerësimin e konformitetit që janë të autorizuar në bazë të Ligjit të Sigurisë së Produkteve (Gazeta Zyrtare e Republikës së Maqedonisë nr. 33/06, 63/07, 24/11, 51/11, 148 /11, 164/13, 152/15, 53/16 dhe 140/18) duhet të harmonizojnë punën e tyre me dispozitat e këtij ligji në afat prej një viti, nga dita e hyrjes në fuqi të këtij ligji.

Neni 63

Aktet nënligjore që rezultojnë nga ky ligj do të miratohen në afat prej gjashtë muajve nga dita e hyrjes në fuqi të këtij ligji.

Neni 64

Dispozitat 35 dhe 37 të këtij ligji, shfuqizohen në ditën e anëtarësimit të Republikës së Maqedonisë së Veriut në BE.

Neni 65

Dispozitat e nenit 39 paragrafët (3) dhe (5), neni 40 paragrafi (5) dhe (8), neni 43 paragrafët (2) dhe (5) dhe neni 54 paragrafi (7) të këtij ligji do të zbatohen pas kalimit të gjashtë muajve nga dita e hyrjes në fuqi të këtij ligji.

Neni 66

Dispozitat e nenit 6 paragrafi (4) në pjesën që ka të bëjë me bartjen e informacioneve me Bashkimin Europian, neni 43 paragrafi (10), neni 44 paragrafi (1), neni 47, neni 51 paragrafi (6) dhe (7) të këtij ligji, do të fillojnë të zbatohen nga dita e aderimit të Republikës së Maqedonisë së Veriut në Bashkimin Europian.

**Përfundimi i afatit të rregullave**

Neni 67

Në ditën e hyrjes në fuqi të këtij ligji, shfuqizohet Ligji i Sigurisë së Produkteve (Gazeta Zyrtare e Republikës së Maqedonisë nr.33/06, 63/07, 24/11, 51/11, 148/11, 164/13, 152/15, 53/16 и 140/18)

Neni 68

Ky ligj hyn në fuqi ditën e tetë nga publikimi në Gazetën Zyrtare të Republikës së Maqedonisë së Veriut.